

四庫全書

史部

欽定四庫全書

欽定大清一統志卷二百七

西寧府

在甘肅省治西少北六百二十里東西距三百五十里南北距三百九十五里東至涼州

府平番縣界二百六十里西至西海番夷界九十里南至黃河都受番族界三百七十里北至大雪山涼州府界二百三十五里東南至三川黃河沿界四百二十里西南至番夷界二百三十里東北至番界二百八十里西北至甘州府張掖縣扁都口界四百九十五里自府治至京師四千五百七十里

分野天文井鬼分野鶉首之次

建置沿革禹貢雍州之域古西戎地漢為金城郡臨

羌破羌等縣地後漢建安中置西平郡晉初因之

東晉隆安中為南涼國都

隆安三年禿髮烏孤遷居樂都其弟利鹿孤徙

西平傳檀還居樂都西平即宋之西寧州今之府治樂都唐鄯州今張伯縣也

後魏初為

鄯善鎮孝昌二年改置鄯州

見李吉甫元和郡縣志

後周又

置樂都郡隋開皇初郡廢大業初復改州曰西平

郡唐武德二年復曰鄯州儀鳳二年置都督府開

元二年置隴右節度使

方鎮表作五年蘓冕唐會要作元年今從司馬光通

鑑

天寶初曰西平郡乾元初復曰鄯州屬隴右道
上元二年沒於吐蕃宋元符二年收復復置鄯州
隴右節度三年棄之崇寧二年又復建隴右都護
府改鄯州為西寧州賜郡名曰西平升中都督府
三年加賓德軍節度屬熙河路後屬西夏元仍曰
西寧州屬甘肅行省明洪武六年

通志作十九年今從實錄改

置西寧衛屬陝西行都司

本朝初因之雍正二年改置西寧府屬甘肅省領縣

三

西寧縣

附郭東西距一百六十里南北距二百四十里東至張伯縣界七十里西至西海番

夷界九十里南至黃河二百一十八里北至大通縣界八十里東南至南山後番界二百四十里西

南至番夷界二百三十里東北至番夷界一百二

十里西北至大通縣界八十里漢金城郡臨羌縣

地後漢建安中分置西都縣為西平郡治晉因之

後魏廢隋為湟水縣地唐儀鳳二年分置鄯城縣

屬鄯州上元後沒吐蕃宋初曰青唐城崇寧二年

收復置西寧州及倚郭縣五年罷縣屬熙河路元

屬甘肅行省明初改置西寧衛屬陝西行都司

本朝雍正二年改置西寧縣為西寧府治

伯縣

在府治東一百三十里東西距一百七十五里南北距五百五十里東至涼州府平番縣

碾

界一百三十里西至西寧縣界四十五里南至蘭
州府河州界三百九十里北至番夷界一百六十
里東南至黃河河州界三百七十里西南至西寧
縣界八十里東北至番界一百五十里西北至番
界一百七十里漢神爵二年置破羌縣屬金城郡
後漢因之晉省為安夷縣地東晉末後涼呂光置
樂都郡南涼秃髮烏孤都此後魏初郡廢孝昌中
改置西都縣為鄯州治隋開皇十八年改曰湟水
為西平郡治唐為鄯州治上元後隋州沒吐蕃宋
初號邈川城元符二年收復置湟州建中靖國元
年棄之崇寧二年又復三年置倚郭縣五年罷大
觀三年加嚮德軍節度宣和元年改曰樂州屬熙
河路後屬西夏元廢為西寧州地明洪武十一年
置碾北衛後廢成化中置碾伯守禦千戶所本
朝初屬西寧衛雍正二年
改置碾伯縣屬西寧府

大通縣

在府北一百二
十里東西距二

百八十里南北距一百七十五里東至西寧縣界一百二十里西至黑林口閘門六十里南至西寧縣界三十里北至大雪山一百二十五里接涼州府界東南至西寧縣界九十里西南至西寧縣界七十里東北至大雪山二百二十里西北至甘州府張掖縣界三百九十里古西羌所居漢為臨羌縣北塞唐為鄯州北境開元中嘗置威戎軍于此明為西番地本朝雍正二年以番族歸附開置大通衛駐大通城屬西寧府又設總兵鎮守亦曰西大通鎮乾隆九年移駐白塔城二十六年改置大通縣屬西寧府

形勢萬山環抱三峽重圍紅崖峙其左青海瀦其右

明統志

甘肅涼莊之右背河州洮岷之前戶萬山迴

合諸番羅列

明鄭洛奏疏

水包西北山阻東南

衛志

風俗俗崇釋士業儒人專孳牧童習彎弧

明石櫨西平賦

夏

秋少暑冬春多寒毳羽為衣酥潼煎茶

舊鎮志

番人

以皮馬為禮畜牧為業

同上

城池西寧府城

周八里有奇門四濠廣二丈五尺東關外有郭周里許門三明洪武十九

年因舊改築

本朝

碾伯縣城

即舊碾伯堡明初築周三里有奇門

康熙四十八年重修

三濠廣二丈五尺

本朝乾隆

大通縣城

在大通河南周

二十九年因舊址頽壞復築

五百五十八丈門二本朝雍正三年築

學校西寧府學

在府治東即西寧衛學明宣德三年建入學額數十二名

西寧縣

學

在縣治西乾隆二十六年建入學額數八名

碾伯縣學

在縣治西雍正三年建入

學額數八名

大通縣學

在縣治東乾隆二十六年建入學額數二名

約禮書

院

在西寧縣治西乾隆四年建又碾伯縣有樂都書院乾隆二十四年建又歸德堡有河陰書院

乾隆十二年建

戶口

原額屯丁二萬一千五百六十七又滋生一萬八千九百二十五投誠番民二萬二百七戶

又滋生六千五百三十八

田賦

田地六千四百四十八頃五十三畝七分一厘零額徵糧三萬八百一十四石五斗三合零

番地一十四萬七千五百七十段額徵糧一萬九百六十二石六斗四升七合零

山川峽口山

在西寧縣東二十里漢書神爵元年趙充國屯田金城奏治湟陁以西道橋明

統志峽口山在衛城東地極險阻為湟鄯往來咽喉地漢時名湟陁唐人嘗修閣道宋築省章城控制要害又有綏遠關行都司志峽口山在衛東三十里石山對峙亦名小石峽半山有風波巖每大風禱之則息與大石紅崖子山在西寧縣東八十里西石峽謂之三峽

腰有石洞土樓山

在西寧縣西鄯道元水經注湟水東逕土樓南樓北倚山原峯高三百尺

有若削成樓下有神祠雕牆故壁存焉今在西平亭東北五里隋書地理志湟水有土樓山元和志山在湟水縣西一百三十里下有土樓神祠又曰鄯城縣西即土樓山

日月山

在西寧縣

西川口外元史憲宗四年會諸王于額爾腦兒之西祭天于日月山今為番夷互市之所

金山

在西寧縣西七十里隋書煬帝紀大業五年宴羣臣于金山行都司志山在衛西六十里番言曰結

脫刺上有湫池旱禱輒應為西寧望山

雪山

在西寧縣南一百里高

不消綿亘東北與莊浪蘿山接去張伯縣南六十里

養女山

在西寧縣北水經注養女

川水發養女北山關駟曰長寧亭北有養女嶺即浩疊之西山西平之北山也樂史太平寰宇記養

女嶺彼羌多禱而祈女

積石山

在西寧縣東南隋書地理志龍支縣有唐述山元和志積

石山在龍支縣西九十八里南與枹罕縣分界舊志小積石山在西寧衛東南一百七十里即古唐

述山也詳見河州

拔延山

在西寧縣東南隋書煬帝紀大業五年帝至西平大獵于拔延

山圍周亘二十里地理志化隆有拔延山又元和志拔延山在化城縣東北七十里多麋鹿舊志即

今衛南之雪山也南禪山在西寧縣西南三里崖洞有佛像又有北禪山在縣西北五里

三泉山在西寧縣歸德所西三十里山根有三泉湧出清澈可鑑俗呼為爾納拉山龍

池山在西寧縣歸德所南一百里山高險絕山有湫池因都受番族牧其下又謂都受山圓

柱山在西寧縣歸德所東南二百里下即淵住番族所居又名淵住山後即青海界郭圖

山在西寧縣歸德所東二巴伽山在西寧縣歸德所西十里黃河

經其下又哈兒澗山在城郎纏山在西寧縣歸德所西一百里番

夷雜處雷鳴山在碾伯縣東關冰溝山在碾伯縣東接莊浪

界羊腸七十餘里
四望山
在碾伯縣東南漢書趙充國傳神爵初充國至

金城渡河遣騎候四望
能為兵矣使發數千人守杜四望
隘中無虜曰吾知羌虜不

哉文穎曰金城有三隘在南六百里
顏師古曰山
隋而夾水曰陁四望者陁名也行都司志四望山

在西寧衛東
阿剌古山
在碾伯縣東北六十里與冰溝山相連山頂寬平可

耕中有
蘿蔔山
在碾伯縣東北行都司志在西寧魯班峽
街東北二百五十里延袤與雪山

相連石崖巉巖
龍泉山
在碾伯縣西北四十里與若蘿蔔之狀
大石峽北山相連山下有

龍泉
打板山
在大通縣南七十里高峻崎嶇因名
山巔有泉出石罅中味清甘
大雪

山
在大通縣北十五里四時積雪高入雲霄東西綿亘數百里東接涼州北接甘州界元和志甘

州南至大雪山三百三十里即此

霧山

在大道縣北水經注湛水東南流至霧山注浩疊河

舊志山在西寧西北三百里

勒姐嶺

在西寧縣東漢時有勒姐羌居之晉義熙十一年北

涼沮渠蒙遜敗西秦兵于浩疊西秦主熾盤遣將折斐等據勒姐嶺邀其還路蒙遜擊擒之水經注

勒且谿水出安夷縣東南勒且谿北入湟水于是有勒姐之名蓋勒姐嶺即此

星嶺

在西寧縣

南隋書煬帝紀大業五年帝自拔延山入長寧谷度星嶺舊志嶺故龍支城西北

艾灣嶺

在碾伯縣東南巴州堡高十五里山半有泉自沙中出

白草嶺

在大道縣北近甘州界宋

元嘉初西秦乞伏熾磐遣太子暮末出貂渠谷攻北涼白草嶺臨松郡皆破之水經注鮮谷塞東南

有白嶺西湛水出焉蓋即白草嶺也

南高峰

在碾伯縣南七里又有北高峰在縣北八里兩

峯相對俱

西石峽

在西寧縣西七十里陡崖相對

大石峽

在碾伯

極高峻
西去西寧縣九十里

黑松林峽

在大通縣南去西

較小石峽尤雄壯
懸距中多孔道明嘉靖二十五

牛心堆

在西寧縣

年修葺城塹延屬五十餘里
注牛心川水東北流逕牛心堆東唐貞觀

黃河

在
寧碾伯二縣南自塞外流入與河州接界又東入
蘭州界水經注河水自積石屈而東北流逕折支

之地桑欽水經河水又東逕西海郡南又東逕允
川而歷大榆小榆谷北又東過河關縣北又東北

入西平郡界左合二川東逕澆河故城北又東北
逕黃川城又東逕石城南左合北谷水又東北逕

黃河城南又東北逕廣遠城北又東逕邯川城南
又東臨津谿水注之又東逕臨津城北白土城南

又東左會白土川水又東北會兩川右合二水又東歷鳳林北又東與灘水合又逕左南城南又東逕赤岸北又東洮水注之又東過金城允吾縣北元和志黃河在郭州化城縣南八十步又在龍支縣西南六十里通志黃河在西寧縣南一百六十里碾伯縣東南三百七十里邯川水在伯縣東南後漢書顯宗初西羌寇隴右捕虜將軍馬武擊之羌引出塞武追擊到東西邯大破之水經河水逕邯川城南注城之左右歷谷有三水導自北山南逕邯亭注于河章懷太子曰蓋以此水分流謂之東西邯也在今化龍縣東按輿圖今碾伯縣東南百里許有水出雪山南東南流百餘里入黃河蓋白土川水在碾伯縣東南水經注白即邯川水也白土川水出西北山東南流逕白土城北又湟水自塞外流逕西寧縣北又東東南注于河

府平遙縣至蘭州界入黃河漢書地理志臨羌縣
南北至塞外有西王母石室僊海鹽池北則湟水
所出東至允吾入河水經注湟水出塞外又東南
逕卑禾羌海北東流逕湟中城北又東石控四水
又東逕赤城北而東入戎峽口右合羌水又東逕
臨羌縣故城北又東盧谿水注之又東逕臨羌新
縣故城南又東右合溜谿伏溜石杜蘆四川左會
臨羌溪水又東龍駒川水注之又東長寧川水注
之又東牛心川水注之又逕西平城北又東逕土
樓南又東右合葱谷水又東出漆峽東流石則漆
谷常谿注之左則甘夷川水入焉又東安夷川水
注之又東逕安夷縣故城又東左合宜春水又東
勒且谿水注之又東左合承流谷水石會達扶東
西二谿水又東期頓雞谷二水北流注之又東逕
樂都城南東流右合來谷乞斤流二水左會陽非
流谿細谷三水又東逕破羌縣故城南六谷水自

南破羌川自北左右翼注之又東南逕小晉興城
北又東與閣門河合即浩疊河也又東逕允吾縣
北隋書地理志化隆縣有湟水後漢書注湟水一
名洛都水西自吐谷渾界入在今湟水縣元和志
湟水亦謂之樂都水出青海東北亂山中東南流
至蘭州西南入黃河唐書吐蕃傳湟水出蒙谷抵
龍泉谷與黃河合元朱思本河源記湟水源出祁
連山下正東流一千餘里注浩疊河與黃河合明
統志西寧河在衛城北源出熱水山北流五百里
經伯顏川又合那海川流五百里入黃河行都司
志西寧河在衛城北百步許又湟水今碾伯河是
也舊志西川水源出西塞外東流由石峽入境至
衛西北受北川水又東合南川水而徑城北名西
寧河又至衛東北受沙塘川水又東南徑碾伯堡
南名湟水又東南接莊浪所界合西大通河又東
合莊浪河又東南至蘭州西入黃河按湟水上

源番名波洛冲

長寧川水

在西寧縣西北水經注

克克詳見西海

流逕晉昌川晉寧川水注之又東南養女川水注

之水發養女北山有二源皆長湍遠發南總一川

逕養女山謂之養女川亂流出峽南逕長寧亭東

又東南與西山水合又東南流注于湟水行都司

志有車卜魯川在城北五里一名幹爾朶川源出

壘加爾山下流五百六十里入西寧河又有廣牧

川在城北三里舊名沙塘川明永樂四年改名今

分渠四十六溉田六百七十頃舊志今有北川水

在城西北七十里自塞外流牛心川水在西寧縣

入東南流至城北入西寧河

注牛心川水出其南遠山東北流逕牛心堆東又

北逕西平亭西東北入湟水通志有那孩川在城

西二百步舊志有南川水在衛城西自塞外流東

北入西寧河按宋史崇寧三年王厚自湟川敗

羌人于宗水明統志宗水來自青海徑西寧境入
湟水水南有宗谷口舊志宗哥川在衛西南九十
里亦即今南川
葱谷水 在西寧縣東水經注水有
水之異名也 四源各出一谿亂流注于

湟水 安夷川水 在西寧縣東水經注安夷川水發遠
山西北逕控衆川北屈逕安夷城西

北東入 宜春水 在碾伯縣西水經注水出東北宜
湟水 春谿西南流至于安夷南入湟水

又有勒且谿水出安夷縣東南勒且谿北流逕安
夷城東而北入湟水湟水有勒且之名即此號也

又有承流谷水達扶東南二谿水期頓難谷二水
皆北流注湟又有吐那孤長門來谷乞斤流陽非

流谿細谷六谷破羌川諸小水左右翼
注湟水皆在今碾伯縣界俱見水經注 浩疊水 源

甘州府西南番界東南流逕大通縣南又東南逕
碾伯縣東北至平番縣界與湟水合漢書地理志

浩疊縣浩疊水出西塞外東至允吾入湟水顏師古注浩音誥水名疊者水流峽中岸深若門也今俗呼此水為閤門河蓋疾言之浩為閤耳水經注閤門河即浩疊河也出西北塞外東入塞逕敦煌酒泉張掖南又東南逕西平之鮮谷塞尉故城南又東南與湛水合水有二源西水出白嶺下東源發白岸谷合為一川東南流至霧山注閤門河閤門河又東逕養女北山東南左合南流川水出北山南流入閤門河界又東逕浩疊縣故城南又東流注于湟水杜佑通典浩疊河在湟水縣西北注吐蕃界流來元和志閤門水經湟水縣東去縣五十五里朱思本河源記浩疊河源自刪丹縣南刪丹山下東南流七百餘里注湟水通志有大通河在大通衛南五里源出野狐山東南流至張伯縣響塘峽行山峽中經西大通堡東南合西寧河入黃河即古浩疊河也

車卜魯川渠

在西寧縣西北九十里即北川水分渠三十八溉
田七百七十八頃又伯顏川渠在縣西六十里即
西川水分渠八十四溉田一千二十八頃那拔川
渠在縣西南五十里即南川水分渠四十八溉田
九百三十八頃廣牧川渠在縣北八十里分渠三
十八溉田四百四十一頃觀音堂溝在縣東七十
里分渠有二溉田一百三十八頃又有哈刺只溝
把藏溝西番溝三渠皆在縣東仁答其渠李彥才
溝渠壤喫塔渠皆在縣東南古河渠撒都兒溝渠
皆在縣東北共溉田四百七十餘頃又紅哈溝在
縣東北一百里分渠七十
周屯渠 在西寧縣歸德
八溉田四百八十一頃 城東五十里分
支渠十四溉田九百八十二段又四十八戶渠在
歸德城東南四里分支渠十二溉田二千一百八
十一段河東渠在歸德城東五里分支渠八溉田
七百一十段劉屯渠在歸德城西南三十里分支

渠六溉田四百二十段俱

本朝乾隆六年開築

水磨渠

在碾伯縣東三里渠分支三共

溉田二百五十餘段又縣東十里有羊官渠十五

里有石嘴渠三十里有高廟渠三十五里有長里

渠四十里有旱地灣渠五十里有老鴉渠又縣西

二里有大古城渠小古城渠二十里有旱莊渠四

十里有硤口渠又縣南五里有岡子堡渠十里有

岡子溝渠湯官渠二十里有姜家灣渠又縣北八

里有八里堡渠四十里有勝番溝渠又縣東南三

十里有紅水渠五十里有河蠻渠又縣西南七里

有七里堡渠二十里有深溝渠三十里有馬哈喇

渠峯堆渠四十里有高店堡渠六十里有高店溝

又縣西北二十里有挈水只溝渠三十

里有迭爾溝渠共溉田二萬四千餘段

巴燕戎格

渠

在碾伯縣擺羊戎廳境內發源克見山流一百三十里入黃河溉田一千三百九十段又青庫

爾渠發源車盆山溉田九百五十四段又上多巴渠溉田四百二十三段下流俱入黃河俱在擺羊

戎廳大河渠在碾伯縣北西寧河自峽口流入縣境內大河渠境東至下川口河之北岸分渠十有

六河之南岬分渠十有四又有山南堡等渠在縣東南古鄯城一帶分渠有八共溉田數千餘段

東峽川渠

在大通縣南又河東渠在縣東十里和家渠在縣東北九里峽門堡渠在縣南

分溉縣境之田龍湫在碾伯縣北一百二十里有三池曰金龍響龍黑龍相去十餘里旱禱有

應

五泉

在西寧縣西水經注泉發西平亭北雁次相綴東北流至土樓南北入湟水湫

泉

在西寧縣西十里周三丈其熱水泉在西寧縣深莫測沸湧有聲旱禱輒應熱水泉歸德所西

南三十里巴伽山水自地湧出熱如沸湯

古蹟西平郡故城

今西寧縣治本漢臨羌縣地後漢末析置西都縣兼置西平郡魏志

建安中以杜畿為護羌校尉領西平太守魏太和元年西平麴英反殺臨羌令西都長遣將軍郝邵鹿駝討斬之崔鴻十六國春秋呂光大安二年西平太守康寧自稱匈奴王阻兵不從禿髮為孤太初元年自稱西平王三年以弟利鹿孤為涼州牧鎮西平既而烏孤死利鹿孤代立遂居西平更稱河西王傳檀代立還居樂都永宏二年沮渠蒙遜拔西平執太守麴承水經注湟水逕西平城北東城即故亭也魏黃初中立西平郡憑倚故亭增築南西北三城以為郡治魏周時郡縣俱廢隋為湟水縣西唐分置鄯城縣屬鄯州元和志縣東至州一百二十里儀鳳二年分湟水縣置北枕湟水西即土樓山通典鄯城縣漢西平郡故城在西舊唐書上元二年鄯州為吐蕃所陷所管鄯城三縣屬

河州後亦廢宋時謂之青唐城吐蕃傳有唃廝囉者明道初徙居青唐景祐中以為保順軍節度留後熙寧十年改西平節度使元符二年王瞻取邈川軍至青唐隴拶出降以為鄯州瞻尋棄青唐歸崇寧三年王厚復湟鄯地理志是年改為西寧州後屬西夏夏國傳河外之州有西寧樂廓元史太祖二十二年伐夏西州破西寧州地理志唐鄯州沒吐蕃號青唐城宋改西寧州元初為章吉駙馬分地至元二十三年立西寧州等處拘權課程所二十四年封章吉為寧濮郡王以鎮其地明統志西寧廢州在衛城西南行都司志自衛城臨羌故城西至南迤東約八里餘乃西寧州古城
在西寧縣西漢置屬金城郡神爵初趙充國討叛羌欲屯田金城奏言計度臨羌東至浩亶羌人故田及公田民未墾可二千頃以上又言循河湟漕穀至臨羌以賑羌寇揚威武後漢建初二年傳育

為護羌校尉自安夷移居臨羌晉屬西平郡水經
注湟水東逕臨羌縣故城北又東逕臨羌新縣故
城南關駟曰臨羌新縣在郡西一百八十里湟水
逕城南城有東西門西北隅有子城又羌水東北
逕臨羌城西後魏縣廢隋大業四年吐谷渾為鐵
勒所破走入西平境內求救詔宇文述出西平迎
之述至臨羌吐谷渾
安夷故城 在西寧縣東七十
率衆西遁即故縣也
後漢建初元年安夷卑湍種羌殺安夷長宗延以
吳棠領護羌校尉居安夷二年移居臨羌晉屬西
平郡後廢禿髮烏孤太初三年以其弟利鹿孤鎮
安夷後魏廢水經注湟水東逕安夷縣故城北城
有東西二門去西平亭東
白土故城 在西寧縣東
七十里關駟曰四十里
金城郡魏正始九年叛羌遮塞屯河關白土故城
據河拒官軍刺史郭淮擊破之晉仍屬金城郡太

和二年張天錫討叛將李儼於隴西使將軍張統
分道出白土義熙八年西秦乞伏熾磐攻南涼三
吳太守吳陰于白土克之水經注河水東逕臨津
城北白土城南關驢十三州志曰左南津六十里
有白土城在大河北為緣河濟渡處後魏縣廢唐
大中五年吐蕃叛將論恐熱出雞頂關馮峽為梁
擊鄆州帥尚婢婢于白土嶺胡三省通鑑注在鳳
林縣西北即白土縣之嶺也破羌故城
在張伯縣西漢書地理志金城郡破羌縣宣帝神
爵二年置後漢書馬援傳建武十一年援為隴西
太守時朝臣以金城破羌之西塗遠多寇議欲棄
之援上言破羌以西城多完牢易可依固其田土
肥壤灌溉流通如今羌在湟中則為害不休不可
棄也帝從之水經注湟水東逕破羌縣故城南城
省南門十三州志曰湟水河在南門前東過章懷
太子曰破羌故城在今湟水縣西按水經注破

羌故城在樂都東而韋懷云在湟水縣西府志亦以為在縣東五十里其說不同蓋二城相去不遠

故樂都城

今碾伯縣治漢神爵元年趙充國討先零羌自金城渡河過四望隘夜引兵上

至落都後漢永平元年馬武擊燒當羌至金城浩亶與羌戰于洛都谷為羌所敗東晉末後涼呂光置樂都郡蓋因山谷為名也隆安二年涼樂都太守田瑤降于秃髮烏孤三年烏孤遂徙治樂都是為南涼元興二年秃髮傉檀大城樂都義熙十年亡伏熾磐滅南涼以譙屯為涼州刺史鎮樂都十四年以木奕千為沙州刺史鎮樂都後入北涼又沒于吐谷渾後魏時置鄯州隋書地理志西平郡舊置鄯州治湟水縣舊曰西都後周置樂都郡開皇初郡廢十八年改曰湟水元和志鄯州古西戎地漢為金城郡地南涼秃髮烏孤徙都于此後魏以西平郡為鄯善鎮孝昌二年改鎮立鄯州隋大

業三年罷州復為西平郡隋亂陷賊唐武德二年
討平薛舉改置鄯州東至蘭州府二百二十里西
至西海三百七十里西南至廓州一百四十里東
北至涼州五百里治湟水縣本漢破羌縣地舊唐
書地理志鄯州治故樂都城唐書會昌中吐蕃以
尚婢婢為鄯州節度使大中五年沙州刺史張義
潮以鄯州來降其後復為蕃戎所隔宋時謂之邈
川城大中祥符七年唃廝囉自宗哥城更徙邈川
元符二年王瞻發兵取之以為湟州宋史地理志
樂州舊邈川城建中靖國元年棄之崇寧二年又
復三年置倚郭縣五年罷大觀三年加嚮德軍節
度宣和元年改為樂州後屬西夏元廢行都司志
故樂都城在西寧衛東碾伯堡西二里二城相連
約三里按古西平郡有二治魏晉西平本漢臨
羌縣地唐為鄯城縣宋為青唐城置西寧州即今
府治也隋西平乃漢破羌縣地晉宋時為樂都唐

為鄯州宋為邈川城置樂州即今張伯縣也叅攷水經注元和志舊唐志諸書可見或混為一地誤

浩疊故城

在張伯縣東漢置屬金城郡因浩疊水為名後漢建武十一年諸種羌數萬屯

聚寇鈔拒浩疊隘隴西太守馬援擊破之晉仍屬金城郡太元二十一年五龍見于浩疊呂光以為

已瑞改元龍飛禿髮烏孤太初三年使從叔吐若留鎮浩疊後亡伏犧磐以王基為晉興太守鎮浩

疊皆即故縣也水經注閭門河東逕浩疊縣故城南隋書地理志湟水縣有舊浩疊縣後周廢元和

志浩疊故城在廣武縣西南一百三十里按其地當在今張伯縣東接平番縣界與西大通堡相

近鮮谷塞故城

在大通縣西北臨甘州府界水經注閭門水逕西平之鮮谷塞即此

長寧廢縣

在西寧縣西北本漢臨羌縣地晉置屬西平郡永嘉五年張實討曹祛于西平

自姑臧西南出石驢據長寧即此後魏廢水經注
長寧水南逕長寧亭東城有東西門東北隅有金
城在西平西北四十里十
三州志曰六十里遠矣
廢廓州 在西寧縣東南
石城地後漢書延熹二年護羌校尉段熲分兵討
石城羌斬首溺死者千六百人水經注河水東逕
石城南昔段熲擊羌于石城即此隋書地理志西
平郡統化隆縣後魏曰廣威西魏置澆河郡後周
廢郡仁壽初改為化隆元和志後周于達化縣界
澆河故城置廓州隋亂陷賊武德二年西土平定
改置廓州乾元元年陷于西蕃寰宇記廓州唐天
寶元年改寧塞郡乾元元年復為廓州西至積石
軍一百八十里北至鄯州一百八十里東南至鳳
林縣二百八十里東北至龍支縣二百九十里西
北至鄯城縣二百八十里理廣威縣本後魏石城
縣周地圖云後魏景明二年置石城縣廢帝二年

因縣內有化隆谷改為化隆縣唐先天元年改為
化成縣以避諱故也天寶初改為廣威宋史地理
志元符二年以廓州為寧化城崇寧三年棄之是
年收復仍為廓州城下置一縣五年罷東至寧塞
若十七里西至同波北堡不及里南至
貴德廢州
黃河不及里北至膚公城界十五里

在西寧縣即今歸德所治元置吐蕃等處宣慰司
河源錄崑崙山向東北行半月至貴德州地名必
赤里始有州治官府又數日至積石州明永樂初
改建歸德所舊志河州西至老鴉關九十里又西
至起臺堡一百五十里又西至保安堡二百八十
里又西至歸德所三百里又西至關門番帳草地
界八達化廢縣在西寧縣南隋書地理志澆河郡
十里達化廢縣統達化縣後周置達化郡開皇初
郡廢併綏遠縣入焉元和志縣東至廓州三十里
後周置郡并縣開皇三年罷郡移縣入郡解即今

縣是也寰宇記達化縣後周建德五年置

米川廢縣

在西寧縣東南元和志米川縣西至

廊州一百里前涼張天錫于此置邯川城後魏孝

昌二年于城置廣威縣貞觀十年于本縣東一百

二十里黃河南岸置米川縣屬河州永徽六年移

于河北屬廊州宋史地理志廊州米川城舊米川

縣崇寧三年修築王厚云米川沿河西至廊州約

十里過河取正路至結驪城約三程本城至廊州

約三十餘里

晉興廢郡

在碾伯東南十六國春秋永嘉五年張軌表分西平界置晉興

郡統晉興枹罕永固臨津臨鄯廣昌大夏遂興罕

唐左南等縣咸康元年張駿分晉興郡屬涼州乞

伏乾歸太初十三年降于利鹿孤鹿孤迎之置于

晉興後魏廢按水經注湟水東南逕小晉興城

北故都尉治闐駟曰允吾縣西四十里有小晉興

城蓋即晉興郡治之晉興縣其曰小晉興者猶沛

郡之沛縣為小沛也又太元十年後涼呂光將尉
祐以允吾叛敗奔興城胡三省通鑑注城在允谷
之西白土之東疑

左南廢縣

在碾伯縣東南晉永嘉
中張軌置屬晉興郡後

即小晉興縣也
魏廢水經注河水逕左南城南十三州志曰
石城西一百四十里有左南城津亦取名焉

湟河

廢郡

在碾伯縣東南前涼置十六國春秋咸康元年
張駿分湟河郡屬涼州南涼秃髮烏狐太初

二年敗梁饑于西平湟河太守張稠以郡降夏赫
連昌承光二年伐西秦攻其沙州刺史出連虔于

湟河不克震宇記廓州即西平南界前涼以其地
為湟河郡後為羌所陷舊志水經注河水北逕黃

河城南西北去西平二百七
十里或曰即湟河之訛也

龍支廢縣

在碾伯縣
南十六國

春秋南涼秃髮烏狐太初二年破羌苻梁饑于西
平饑退屯龍支堡烏狐進攻拔之饑奔澆河隋書

地理志枹罕郡統龍支縣後魏曰北金城西魏改焉元和志龍支縣北至鄯州一百三十五里本漢允吾縣地後魏初置金城縣廢帝二臨蕃城在西年改名縣西南有龍支谷因取為名

西唐書地理志河源軍西六十里有臨蕃城又西六十里有白水軍綏戎城又西南六十里有定戎城

宗哥城

在西寧縣東宋史景德中吐蕃宗哥僧李立遵畧取唃廝囉如廓州尊立之居

宗哥城其城東北至西涼府五百里東至蘭州府三百里南至河州四百十五里地理志西寧州領

龍支城舊宗哥城元符二年改今名尋棄之崇寧三年收復按古龍支有三漢龍耆在今府西即

西海郡隋唐龍支在今府南近黃河宋龍支在今府東乃舊宗哥城或混為一誤

寧西城

在西寧縣西宋史地理志西寧州西四十里至寧西城舊名林金城崇寧三年改名宣威城

在西寧縣北宋史地理志西寧州北五十里至宣威城舊名釐牛城崇寧三年改名南至西寧州界

二十里廉川城在碾伯縣東近莊浪界晉太元二十五年鮮卑秃髮烏孤擊降之弗折掘等

部築湟中廉川堡居之隆安三年烏合川城在碾伯縣

南元和志合川郡守捉在鄯州南一百八十里貞觀中侯君集置又綏和守捉在州西南二百五十

里開元二年郭知運置來賓城在碾伯縣西南宋史地理志

崇寧三年賜名南至黃河十里北至安隴砦七十里舊志在廢樂州西南一百十里膚公城

在西寧縣西南廢鄯州東北宋史地理志鄯州領膚公城舊名結囉城崇寧三年收復後改今名王

厚云結囉城至鄯州約三十餘里東至來賓城界一百三里西至懷和砦界五十七里南至同波北

堡界一十三里北至
震武城在碾伯縣北大通縣

綏平堡界二十五里
貫遣熙河經畧劉法將兵出湟州與夏右廂軍戰

于古骨龍大敗之地
理志政和六年進築古骨龍

城賜名震武城未幾
改為軍元屬湟州有通濟橋

本震武城浮橋又善
治堡本通濟橋堡大同堡本

古骨龍應接堡皆政
和六年賜名又有德通城本

睦令古城石門堡在
睦令古城北地名石門子皆

政和七年賜名又宋
史政和六年劉法劉仲武合

熙秦之師十萬攻夏
仁多泉城降而署之舊志城

在西寧衛北
河源軍在西寧縣東元和志在鄯州

一百七十里
將李乙支置又安人軍在河源軍西一百二十里

星宿川開元七年郭
知運置寶應元年没于吐蕃

寧邊軍在西寧縣南故廓州西元和志寧邊軍在

積石軍西黃河北
又威勝軍在積石軍西

八十里宛肅城並天寶十三載哥舒翰置寶應元年沒于吐蕃**白泉軍**在大通縣南元和志

在鄆州西北二百三十里開元五年郭知運置又威戎軍在州西北三百五十里開元二十六年杜

希望置寶應元**保塞砦**在西寧縣東宋史地理志舊名安兒城崇寧三年收

年沒于吐蕃復賜名東至龍支城界二十里**清平砦**在西寧縣宋史地理志舊

名溪蘭宗堡崇寧三年賜名北至西寧州界二十里又懷和砦舊名丁令谷崇寧三年置賜名東

至廊州界八十五里北**綏邊砦**在西寧縣北宋史地理志舊名宗谷

至清平砦界二十五里崇寧三年建築後改今名南至西寧州界二十二里又制羌砦地名乂乂嶺嶺政和八年賜名以上皆

屬西寧州**寧塞砦**在西寧縣東南宋史地理志寧塞砦東至河北堡界四十五里西至廊州

巡檢界十三里南至黃河十五里北至龍支城五十里又綏平堡舊名保敦谷崇寧三年興築賜名東至堡塞砦界二十里西至清平砦界二十里南至膚公城界二十里北至堡塞砦十七里同波堡東至廓州巡檢界二十里南至黃河不及通湟砦里北至膚公城十五里三砦堡皆屬廓州通湟砦在碾伯縣東宋史地理志通湟砦故囉吼抹通城元符二年收復三年賜名東至通川堡四十里西至湟州三十五里南至安隴砦二十五里北至臨宗砦界六十里別見蘭州又寧洮砦故瓦吹砦元符二年收復三年賜名東至通湟砦四十五里西至來賓城十七里南至來賓城二十里北至安隴砦十七里安隴砦故隴朱黑城元符二年收復三年賜名東至赤沙嶺三十里西至麻宗山脚二十五里南至鞏藏嶺三十五里北至湟州四十五里德固砦舊名勝鐸谷崇寧三年築五百步城後賜

名東至綏遠關十里臨宗砦崇寧三年賜名
南至湟州分界二十一里以上皆屬湟州 **安川**

堡 在西寧縣東宋史地理志安川堡故臚哥堡在
巴金嶺上元符元年收復三年賜名東至湟州

界七十里西至來賓城界四十里南至安鄉關三
十里又寧川堡南宗堡峽口堡皆元符二年收復

屬湟 **虎臺** 在西寧縣西五里臺有九層高
九丈八尺相傳禿髮傳檀所築

關隘綏遠關 在碾伯縣西宋史地理志舊名灑金平
崇寧二年建築賜名東至湟州二十里

明史地理志西寧 **擺羊戎廳** 在府東南一百八十
里碾伯縣西南一百

二十里城周二里有奇 本朝乾隆三年築設遊
擊駐防其地番回雜居水草豐美可墾荒地四十

餘里九年增 **歸德所** 在府南二百二十里元至元
設通判分理 **年置貴德州屬吐蕃宣慰司**

後廢明洪武三年置歸德所屬河州衛 本朝初因之順治六年設守備駐防雍正四年改隸臨洮

府十一年改設都司乾隆三年裁鎮海營 在西寧入西寧縣二十六年設縣丞分理

十里西去石峽邊牆二十里明嘉靖十三年築城周二里有奇 本朝設叅將鎮守兼轄南川營

丹噶爾營

在西寧縣西九十里城周七百七十丈 本朝雍正五年築設叅將駐防乾隆

九年并設主簿其路通西藏地 通青海兼為番人交易之所 河拉庫托營 在西寧縣

西一百五十里城周二百二十八丈 本朝乾隆四年築其地倚日月山為商旅要區設守備駐防

南川營

在西寧縣南五十里舊名伏羌堡明嘉靖十四年築城周三里有奇南去閤門邊牆

三十里 本朝初設守備今改都司北川營 在西寧縣北六十里舊名永安堡城周三里北

至閘門邊牆一十里

本朝設遊擊駐防

喇課營

在西寧縣西北八十餘里城周一百八十餘

丈

本朝雍正十

巴暖三川營

在碾伯縣東南舊名古鄯堡在西寧

一年築設千總

衛東南一百六十里南去河州長寧驛一

百里城周二里有奇本朝設遊擊駐守

永安營

在大通縣西地名測爾兔

本朝雍正五年築城

周六百丈設遊擊駐守隸大通鎮西北有沙金城

亦設官

大通營

在大通縣北一百二十里本朝

兵防汛

駐防兼轄白塔永安二營尋改副總兵屬西寧

鎮轄衛署先設于此乾隆四年移駐白塔城

康

家塞

在西寧縣歸德所東一百七十里逼近番夷

十丈乾隆五年築又歸德城西十里有下閘門十

五里有上閘門又東有下河墩塘下馬廠墩塘煖

泉墩塘革初墩塘李家峽墩塘洞口墩塘
俱連界青海番戎住牧之處有兵防守
扎什巴

堡

在西寧縣東南一百六十里城周一百四十丈
本朝乾隆四年築設千總駐防

威遠

堡

在西寧縣東北八十里北至閘門邊牆二十里
明嘉靖十四年築城周三里有奇
本朝初設

守備今

老鴉堡

在碾伯縣東五十里城周三里
三百八十步有把總防守

冰溝堡

改都司

在碾伯縣東北九十里東去莊浪所西大通
營四十里城周一百八十步有把總防守

巴州

堡

在碾伯縣東南北
去老鴉堡八十里
南川閘門

在西寧縣西南四十里
有東西二門

相去五里又小班沙閘門在縣西南五十里大班
沙閘門在縣西南六十里頁峽閘門在縣西六十
里喇顯閘門在縣西八十里小山峽閘門在縣西
北六十五里北川東西閘門在縣北七十餘里威

遠閘門在縣

歸德所邊牆

在西寧縣歸德所西南

岸長八里有閘門二明洪武七年築又有官田墩

在所東又東二十里為馬殿墩寺角嘴墩在所南

五里又南十五里為王屯墩二十里為周屯墩石

波墩在所西三里又西五里為上河墩四里為山

平墩三里為煖泉墩十五里為烟洞

墩二十里為撒通墩俱設兵防汎

在城驛在城西寧縣

城東隅明置曰西寧驛東至平戎驛七十里南至

歸德所驛一百三十里北至大通縣向陽驛一百

三十里平戎驛在西寧縣東七十里平戎堡東至殽

二里舊有驛丞乾隆二

十年裁歸知縣管理

嘉順驛在殽伯縣城內東

西至西寧縣平

老鴉驛在殽伯縣東老鴉堡又東

戎驛六十里

四十里為冰溝驛東至寧

夏府平番縣西大通驛五十里二驛
舊有驛丞乾隆三年裁歸知縣管理
巴州驛在張伯縣

東南巴州堡北至冰溝驛七十里又南六
十里古鄯堡有古鄯驛皆碾伯縣管理
長寧驛

在府治北大通縣境 本朝
乾隆元年設驛事歸守備管

津梁那孩川橋

在府城西又西二里有伯顏川橋

暖泉橋

在府城南門外西

寧河橋

在府城北百步跨湟水又通津橋在城東關

水磨川橋

在碾伯縣東三里

里勝番溝口又上川口
橋在縣東一百二十里

大通河橋

在大通縣南五里又白塔河橋

在縣西南一百四十里
十五里俱新建

陵墓晉南涼禿髮利鹿孤墓

在西寧縣東南十六國春秋晉元興元年葬于

西平之
東南

祠廟崑崙山祠

在西寧縣西北塞外漢書地理志臨羌西北塞外有西王母石室崑崙山

祠
金山祠

在西寧縣西北一百二十里明洪武二十六年建

忠節祠

在府城東

祀漢將軍趙充國以下歷代有功
湟中者明嘉靖中建今移于府學

寺觀梵宗寺

在西寧縣西川邊外二十七里舊名郭隆寺亦喇嘛所居本朝雍正十年奉

旨重建
敕名祐寧寺

乾隆十四年復

賜今名及
御書梵教法幢額

廣教寺

在大通縣乾隆二十九年章嘉胡圖克圖建三十年

賜今額并
賜祥輪永舊匾額

法海寺

在大通縣北川邊外舊名郭并喇嘛多居于此本朝雍

正十年奉
旨重建賜名廣惠寺乾隆二十一年復

敕賜今額

名宦漢傅育

北地人顯宗初為臨羌長與捕虜將軍馬武等擊羌滇吾功冠諸軍後為護羌

校尉追擊

晉竇允

西平人武帝時除涪蠻長勤于

叛羌戰歿

之馬隆

東平平陸人太康初朝廷以西平荒毀除隆為太守時南虜成奚每為邊患隆進兵

擊破之積十餘年威信著于隴右後以年老徵氏羌聚結百姓驚懼朝廷恐關隴復擾乃遣隆復職

竟卒

隋楊達

高祖族子開皇中為鄆州刺史有能名

慕容三藏

燕人開皇

十二年授鄆州刺史州極西界與吐谷渾接犯法者皆遷配彼州流人多有逃逸及三藏至招納撫

綏百姓愛悅襁負唐黑齒常之時為河源軍副使

日至吏民歌頌之

唐黑齒常之

時為河源軍副使

調露中吐蕃使贊婆等入寇常之引精騎三千夜襲其軍贊婆單騎遁即拜河源道經畧大使因建

言河源當賊衝宜增兵鎮守而運饌須廣乃斥地

置烽七十所墾田五千頃歲收粟斛百餘萬由是

食行士精戎邏有備凡蒞軍

婁師德

鄭州原武人

七年吐蕃憚畏不敢盜邊婁師德上元中為河

源軍司馬與吐蕃戰白水澗

八

郭知運

瓜州晉昌

戰八克後為河蘭鄯州檢校郭知運人明皇時

為隴右諸軍節度大使鄯州都督兼經畧使開元

五年大破吐蕃獻俘京師

明年復出將輕兵丙夜

至九曲獲精甲名馬犂牛甚衆知運屯西方

戎夷畏憚與王君奭功名畧等時號王郭

哥舒

翰安西人為隴右節度副大使築神威軍青海上

吐蕃

攻破之更築于龍駒島有白龍見因號應

吐蕃攻破之更築于龍駒島有白龍見因號應

龍城翰相其川原宜畜牧拋罪人二千戍之由是吐蕃不敢近青海天寶八載翰攻石堡城下之遂以赤嶺為西塞萬年人明皇時拜鄯州都督知留後時吐蕃攻勃律開屯田備軍實杜希望勅律亡歸希望馳傳度隴破烏芥衆斬千餘級進拔新城振旅而還置鎮西軍時軍屢興府庫虛寡希望居數歲芻粟金帛豐餘宦者牛仙童行邊或勸結其歡答曰以貨藩身吾不忍仙童還奏希望不職下遷宋何灌開封祥符人為廓州防禦使金恒州刺史秦州成紀人徽宗時為西寧都護戰被鎗劉仲武童貫招誘羌王子臧征撲格收積殁于陣石軍邀仲武計事仲武曰王師入羌必降或退伏巢穴可乘其便但河橋功力大非倉猝可成緩急要預辦耳貫許以便宜撲格果約降河橋亦成貫掩其功仲武亦不自言徽宗召仲武勞之官其九

子樸格舊趙隆秦州成紀人徽宗時知西寧州

作僕哥今改戶三萬六千願比內地師劉法西明李達永樂初

討隆以奇兵襲羌潰城震武西寧都指揮僉事

揮使帥師破西寧申藏諸李英西番人永樂中為

番生繫其魁進都督僉事西寧都指揮僉事

番生張達爾瑪者通譯書成祖授以左覺義居西

寧恣甚納逋逃交通外域肆惡十餘年英發其事

殲死西陲快之中官喬來喜等使西域道安定曲

先遇賊見殺掠所齎金帛仁宗敕英進討俘獲甚

衆其王桑爾結沙克佳等詣闕謝罪宣宗嘉英功

擢左都督封會寧伯張達爾瑪舊作張答里麻

桑爾結沙克佳舊作史昭合肥人永樂末以都指

桑爾加失夾今並改揮僉事鎮西寧仁宗立

進都督僉事上言西寧俗鄙悍請設學校如中土

報可宣德初昭以衛軍守禦不暇屯種其家屬願

力田者七百餘人請伴耕藝收其賦以足軍餉從之尋討曲先擒其黨獲馬駝牛羊三十餘萬威震塞外璽書慰勞賞賚加等

本朝楊宗仁

歷西寧道西寧古湟中地西陲要衝宗仁在任振頽剔弊賢聲著聞乾隆九年

奉

旨入祀賢良祠

人物三國魏郭憲

字幼簡西平人建安中為郡功曹以仁篤為一郡所歸

南北

朝魏源賀

西平樂都人河西王儁檀之子儁檀為乞伏熾磐所滅賀自樂都奔魏太武見

而器之謂曰卿與朕同源今可為源氏太武征涼州以賀為嚮道以功進爵西平公屢從征有功拜殿中尚書文成即位以定策勲進爵西平王出為冀州刺史改封隴西勸帝宥死刑徙充諸戍所活

甚衆及獻文將傳位于京兆王子推賀固執不可
即詔持節奉璽綬以授孝文尋上書乞骸骨朝有
大議皆就詢訪卒

源延

賀長子性謹厚好學初以
功臣子拜侍御中散賜爵

武城子西治都將卒贈涼
州刺史廣武侯謚曰簡

源懷

延弟謙恭溫雅有
大度文成末為侍

御中散賀辭老詔受父爵督諸屯于漠南蠕蠕甚
憚之景明中詔巡行北邊六鎮恒燕朔三州賑給
貧乏考論殿最劾免貪穢奉公不撓百姓為豪強
陵壓積年枉滯一朝見申者日有百數所上事宜
便于北邊者凡三十餘條皆見嘉納正始初有告
蠕蠕南寇詔懷加使持節侍中出據北蕃指授規
畧懷至雲中蠕蠕亡遁乃按視諸鎮左右要害之
地築城置戍及儲糧積仗之宜凡表五十八條宣
武並從之卒贈

源子雍

字靈和懷子少好文雅篤
志于學累遷夏州刺史時

沃野鎮人破落汗拔陵為亂統萬逆胡相應接城中糧盡子雍自率羸弱向東夏運糧為朔方胡帥所執因為陳安危禍福之端竟隨子雍降遂請兵討平東夏運糧統萬于是二夏漸寧及蕭寶寅等為賊所敗關右騷擾子雍屢擊破之累除給事黃門侍郎封樂平縣公後討葛榮戰敗而沒贈司空謚莊

隋源雄 字世畧樂都人父纂為高氏所誅雄穆從武帝伐齊以功授開府封朔方郡公檢校徐州總管高祖為丞相尉遲迥作亂時雄家累在相州迥以書誘之雄卒不顧迥遣將陷昌慮下邑雄討平之累遷朔州總管伐陳之役為行軍總管陳平進上柱國子崇官儀同大業中將兵

元劉容 字仲寬其討北海賊力戰而死贈正議大夫

先西寧青海人父海川徙雲京容幼穎悟喜讀書中統初入侍皇太子于東宮每退直即詣國子祭

酒許衡衡亦與進之至元七年世祖駐蹕鎮海聞
客知吏事命權中書省掾以忠直稱奉使江西撫
慰新附之民或勸其願受送遺歸賂權貴可立致
榮寵容曰剝民以自利吾心何安使還惟載書籍
數車獻之終
廣平路總管明柴國柱西寧衛人萬歷中由世廕
鋒陷陣勇冠一軍寇挾憤益侵邊每為國柱所挫
屢進涼州副總兵數擊賊有功擢署都督僉事陝
西總兵官調甘肅加右都督後罷官召僉書都督
府事尋代杜松鎮山海關尋移鎮瀋陽天啟初追
錄邊功加左都
督卒賜卹如制

本朝馬進良

字棟宇西寧人技勇過人從討吳三桂
積功累擢古北口總兵從征噶爾丹有

功進提督以老
乞歸卒謚襄毅

李良吉

西寧人父病危薦嘗惡物
之甘苦以驗及母死廬墓

三年居喪一遵家禮鄉人

張達

字文通西寧人父患目疾達刺背取

血以致愈終不為父知及父母歿晝夜號泣廬于墓次一夕有四白狼跑哮于廬側見達掉尾而去

鄉人以為達孝所格
乾隆二十九年旌

列女明陳良策母孫氏

甘州人居西寧能以大義教其子崇禎末流寇入西寧氏

投井死又李舒妻
張氏賊至自縊死

本朝周琦妻賈氏

西寧人小字玉鴉未嫁而琦死欲奔喪父母不許水漿不入口者七

日乘間自縊
與琦合葬

張進東妻程氏

西寧人乾隆二年旌又同邑馬有智妻

楊氏甄之會妻馬氏張廣均妻劉氏田玠如妻郭氏李標妻閻氏杜承時妻賈氏蒲俊鼎妻楊氏陸

大爵妻趙氏李綱妻和氏盧繼妻李氏李澎妻張氏樊增諫妻呂氏宋奇士妻任氏沈養祿妻潘氏牛呈胃妻張氏趙裔振妻楊氏田世爵妻王氏生員趙裔錦妻談氏王應福妻蕭氏楊秀妻李氏張榮妻劉氏錢國鎮妻答氏焦有仁妻郭氏朱洪誥未婚妻陳氏監生魏大顯妻張氏陳語禮妻熊氏熊應新妻莫氏張之桂妻王氏張兆鵬妻任氏嚴大斌妻趙氏樊經魁妻祈氏劉國券妻張氏監生祈大濟妻甘氏陶進義妻馬氏嚴大振妻李氏李萬教妻朱氏郭亨治妻婁氏莫遜堯妻李氏趙宗魏妻巨氏李天才妻鈇氏生員沈占元妻和氏任即啟妻樊氏杜俊妻史氏生員張玉璉妻孫氏趙邦世妻陳氏程贈妻閻氏史華秀妻李氏史中學妻李氏蘊可得妻李氏張玉璣妻李氏程肇麟妻張氏賈維周妻李氏俱于乾隆二年以來先後旌表

袁瑜妻李氏

碑伯入乾隆二

年旌又同邑冷復泰妻許氏冉國祉妻王氏翠
汝楫妻吳氏范必榮妻阿氏董期昌妻楊氏韓三
忠妻張氏李桂春妻馬氏李洪春妻韓
氏俱于乾隆二年以來先後旌表
胡淵妻孫

氏大通人乾隆二
十八年旌表

仙釋晉曇雀

不知何許人禿髮傳檀時持一錫杖從
河南來言人死生富貴無豪釐之差後

不知
所在

土產麋金

元和志鄆州貢

褐元和志鄆州貢

特犀角

唐書地理志鄆州貢

羴羊

角

元和志鄆州貢

馬雞

明統志青腳紅羽毛綠

山雞

野馬

皮可為裘牛

明統志野牛大者重千斤羴牛尾可
作纓犒牛力能載重俱西寧衛出

羊

明統志羴
羊大者重

百斤角環盤洮羊尾如

麝香

元和志
廓州貢

戎鹽

元和志
廓州貢

酥

唐書地理
志廓州貢

大黃

元和志
廓州貢

欽定大清一統志卷二百七

鎮

司

府

圖

鎮西府圖

巴塔爾
嘴

山哈布

庫克托山

喀爾喀界

庫圖

鎮西府
宣統

哈密界

迪化州阜康縣界

奇臺縣

巴爾
珠爾
克山


白界

巴爾
庫爾

阿勒
扎特

嶺山

哈
山



臺縣

國

國

錄北庭都
撫府

庭

舊作
今改正

欽定四庫全書

欽定大清一統志卷二百八

鎮西府

在甘肅省治西北四千三百四十里東至圖古里克接喀爾喀界西至乾溝接迪化州阜

康縣界南至天山踰山接哈密界北至哈布塔克
接塔爾巴噶台界自府治至京師七千五百十
里

建置沿革漢為匈奴東蒲類王茲力支地後漢屬伊

吾盧地三國屬鮮卑魏屬蠕蠕隋伊吾郡地後入

突厥唐屬伊州伊吾郡宋屬伊州明屬哈密及衛

拉特

舊作瓦刺
今改政

地

本朝康熙五十四年內屬雍正九年纂巴爾庫勒城

以安西同知駐防其地乾隆三十八年置鎮西府

以巴爾庫勒城為府治領縣二宜禾縣

與鎮西府
同治東至

圖古里克接喀爾喀界西至噶順溝接奇臺縣界
南至天山接哈密界北至哈布塔克接塔爾巴噶

台界漢匈奴東蒲類王茲力支地後漢屬伊吾盧
地北魏屬蠕蠕國隋為伊吾地唐屬伊吾郡宋伊

州地明屬衛拉特

本

奇臺縣

在府治西六百九
十里東至噶順溝

朝乾隆三十八年設縣
接宜禾縣界西至乾溝接迪化州阜康縣界南至
天山接闕展界北至葦湖接塔爾巴噶台界漢車

師後王國後漢為金滿城永元九年內屬三國為車師後部魏屬蠕蠕國為突厥地隋為東突厥地唐為金滿城隸北庭都護府宋為高昌國北庭元屬回鶻明屬衛拉特本朝乾隆二十四年西城平於奇臺設堡四十一年改設為縣

形勝南界天山西隱平岡西北有巴爾庫勒淖爾水

氣浸潤庶草繁廡地宜畜牧居天山之陰氣候多

寒

皇朝
西域志

風俗蒲類國勇猛敢戰隨畜逐水草不知田作

後漢書西

域傳

城池府城

周八里高二丈四門雍正九年築為巴爾庫勒城乾隆三十八年改為鎮西府城

東有駐防城周六里為

奇臺縣城

乾隆二十四年於奇臺設堡四

滿洲兵弁駐防之所

十一年改設為縣始築城周六里

戶口

二千六百四十一戶
九千四百二十名口

田賦

屯田四萬四千一百畝屯兵一百七十名遣犯
派三百五十名民田十二萬四千十六畝八分

額徵糧五千七百十二石六斗三升二勺
零草折糧三千七百二十名五斗四合零

臺站卡倫巴爾庫勒底臺

度濟臺

肋巴泉臺

烏爾圖臺

噶順臺

洮賚臺

梧桐窩臺

鹽

池臺

松樹塘臺

以上屬宜禾縣

色必臺

烏蘭烏蘇

臺

阿克塔斯臺

一灣泉臺

木壘河臺

奇

臺底臺

地窩鋪臺

以上屬奇臺縣鎮西府舊有卡倫十八處乾隆二十九年

栽存

三處

山川必柳山

在鎮西府城東南二百里必柳泉出其南麓

雅爾瑪罕山

在鎮

西府城東南三百里山脈自庫舍圖嶺東行二百里至此峯巒峻拔高入雲漢

鄂什奇山

在府西南十五里一名獨子

阿勒扎噶勒山

在府西南

八十里山脈自和洛圖峯東北行與鎮西府北境之哈套察罕諸山相接為天山之分支

察罕

哈瑪爾山

在府東北四十里在爾庫勒池之北

阿達爾干山

在府東北

二百哈套山

在府西北一百八十里山脈自西趨東為鎮西府北屏

必濟山

在府西北當孔道入伊犁界

阿濟山

哈布山

皆在府西北四百里四圍皆沙

磧自此西行為準

庫舍圖嶺

在府東南一百五十里即巴爾庫勒南山

噶爾舊疆交界處

山運稍夾為南北通行之道俗名東打坂即達巴之轉音漢語嶺也與西打坂相望山南入嶺處有

唐左屯衛將軍姜行本碑庫舍圖譯言碑也蓋嶺以唐碑得名

和洛圖嶺

在府西南一百

里當烏可克嶺

在府西南一百五十里當孔道俗名西打坂

托來嶺

在府

西南一百九十五里在烏可克嶺西三十五里西有白峯名察罕托羅海

庫克托木嶺

在府西北山脈自哈陰山東行經阿達爾干山至此又東北行五百餘里踰鎮西府東界入于沙磧

阿拉克椿濟河

在府西北阿達爾干山東麓

哈喇水

在阿拉克椿濟河東

三十和尼水

在哈喇水東北鎮西府山北之地俱有沙磧水泉隨處間發盈涸不常今

約載數水以見其概

巴爾庫勒海

在府城西北十五里舊音巴里坤淖爾周一百二十

餘里源出天山北麓西北流百餘里匯為巨浸南至獨山子十五里西至度濟三十里北抵北山下

繞河多良田即古蒲類海也後漢書載寶固擊呼衍王追至蒲類海

圖爾庫勒

在府城東

三百里周迴五十里源出天山北麓西北流五十里渚為大澤即古鹽池海也天山北之水以巴爾

庫勒圖爾庫勒為最大

托來泉

在府西一百八十里

哈畢爾噶泉


在府西北

一百六 烏爾圖泉 在府西北二
百五十里

物產馬 牛 駱駝 羊 後漢書西域傳蒲類國
出牛馬駝羊多好馬 黍

高粱 糜 大麥 小麥 小豆 青稞 以上並
見西域

國志



欽定大清一統志卷二百八

欽定四庫全書

史部
欽定大清一統志卷二百九至
十二

編修臣初喬齡履勘

總校官檢討臣何思鈞


經


經

經

涇州圖

慶陽府界





涇州表

兩漢

三國

晉

魏

周

隋

唐

宋

金

元

明

涇州

安定縣

屬安定郡
後漢省為
臨涇縣地

愛得縣

屬安定郡
後漢省

安定郡

東晉移治

安定縣

東晉置
郡治符秦
置雍州

涇州

郡

安定縣

州郡治

烏支縣

廢

愛得縣

後置屬新
平郡

涇州

郡

安定縣

郡治

安定郡

初廢
業初改

安定縣

涇州

郡

保定縣

至德元年
更名州治

涇州

郡

保定縣

屬澤原路

涇州

郡

涇川縣

大定七年
改名

涇州

屬平涼府

涇川縣

初省入州

長武縣

咸平四年
置屬涇州

長武縣

至元十四
年省

縣臺靈		縣信崇	金定四庫全書
鵝狐縣	屬北郡 後漢曰鵝 狐屬安定	涇陽縣地	
鵝狐縣			
鵝狐縣			
鵝狐縣	趙平郡 魏置屬涇		
鵝狐縣	廢		
鵝狐縣	屬平涼郡		
鵝狐縣	屬安定郡 大業初分 置寧臺縣 唐末李茂 貞置寧臺 軍周廢軍 屬涇州	唐貞元中 置寧臺軍	
寧臺縣	屬涇州天 寶初更名	崇信縣 建元四年 置屬鳳翔 府後屬涇 州	
寧臺縣		崇信縣 屬平涼府	
寧臺縣		崇信縣	
寧臺縣		崇信縣	

陰安縣

屬安定郡
後漢廢

陰安縣

魏置屬
安定郡

陰安縣

赫連氏置
雍州

陰安縣

屬平涼郡

朝那縣

從置復安
定郡

朝那縣

廢

良原縣

後廢

朝那縣

良原縣

良原縣

良原縣

良原縣

至元十
一年省

鎮	原縣	縣
安定郡 <small>後漢移治</small>	臨涇縣 <small>屬安定郡 後漢郡治</small>	彭陽縣 <small>屬安定郡</small>
安定郡	臨涇縣	彭陽縣 <small>廢</small>
安定郡	臨涇縣 <small>廢</small>	
營道涇州 <small>後廢</small>		安武縣 <small>復置屬西 北郡</small>
安武縣		安武縣 <small>省</small>
大業初置 <small>屬涇州 元二年入 吐蕃 四年復立 代置宜良 原軍周廢 軍復為縣</small>	原州 <small>元和三年 置 唐明後復 屬秦鳳路</small> 原州 <small>屬秦鳳路</small> 原州 <small>屬秦鳳路</small>	臨涇縣 <small>初置秋谷 縣 縣廢後 屬安定郡</small> 豐義縣 <small>武德二年 置 屬秦州 中更名 後屬秦州</small> 彭陽縣 <small>省</small>
原州	鎮原州 <small>更名屬華 昌路</small>	臨涇縣 <small>至元七年 省入州</small>
鎮原縣	鎮原縣 <small>廢縣屬平 涼府</small>	

撫夷縣

屬安定郡
後漢省

撫夷縣

後漢屬
東郡

撫夷縣

省

欽定四庫全書

欽定大清一統志卷二百九

涇州

在甘肅省治東九百六十里東西距一百二十里南北距三百五里東至陝西邠州長武縣七

十里西至平涼府平涼縣界四十里南至陝西鳳翔府麟遊縣界一百二十五里北至慶陽府環縣界一百八十里東南至陝西麟遊縣界一百三十里西南至平涼府華亭縣界一百三十里東北至慶陽府安化縣界二百一十里西北至平涼縣一百里本州境東西距一百二十里南北距七十里西至平涼縣界四十里南至靈臺界三十里北至鎮原縣界四十里東南至長武縣界七十里西南至東南至長武縣界七十里西南至崇信縣界三十五里東北至慶陽府寧州界五十里西北至

鎮原縣界六十里自州治至
京師三千二百六十一里

分野天文井鬼分野鶉首之次

建置沿革禹貢雍州之域春秋屬秦秦為北郡地漢
置安定縣屬安定郡後漢省為臨涇縣地晉復置
安定縣為安定郡治後魏神麤三年於郡置涇州
隋開皇初郡廢大業初復為安定郡唐武德初復
曰涇州天寶初復曰安定郡至德初郡縣俱改曰
保定乾元初復曰涇州屬關內道廣德元年沒於

吐蕃大曆三年收復置涇原節度乾寧元年賜號
彰義軍節度五代因之宋曰定州安定郡太平興
國元年改彰化軍節度屬涇原路金曰涇州彰化
軍節度屬慶元路大定七年置縣曰涇州元光二
年州徙治長武元亦曰涇州仍治涇川縣隸陝西
行省明洪武二年省縣入州屬平涼府

本朝因之乾隆四十二年改為直隸州領縣三

崇信縣

在州西南六十里東西距六十五里南北
距八十五里東至州界二十里西至華亭

縣界四十五里南至陝西鳳翔府沔陽縣界七十里北至平涼縣界十五里東南至靈臺縣界二十里西南至鳳翔府隴州界七十里東北至州界二十里西北至平涼縣界三十里漢涇陽縣地唐貞元中置崇信軍宋建隆四年置崇信縣屬鳳翔府淳化中改屬儀州熙寧五年屬渭州金元明俱屬平涼府

本朝因之乾隆四十二年尋復改屬州

靈臺縣

在州東南九十里東西距一百四十

里南北距九十五里東至陝西邠州界六十里西至崇信縣界八十里南至陝西鳳翔府麟遊縣界三十五里北至州界六十里東至麟遊縣界四十里西南至鳳翔府沔陽縣界五十里東北至邠州長武縣界五十里西北至崇信縣治一百里漢置鶉狐縣屬北地郡後漢曰鶉觚改屬安定郡晉因之後魏於縣置趙平郡後周郡廢屬平涼郡隋仍屬安定郡大業初分置靈臺縣二年廢義寧二年

屬麟遊縣唐貞觀元年還屬涇州天寶元年改曰靈臺唐末李茂貞於縣置靈臺軍五代周軍廢縣屬涇州宋金因之元至正七年併入涇川縣十一年復置仍屬涇州明因之本朝順治九年屬平涼府乾隆四十鎮原縣在州東北一百里東南距二年改屬州一百四十里南北距一百

八十里東至慶陽府安化縣界八十里西至固原州界六十里南至平涼縣界六十里北至慶陽府環縣界一百二十里東南至慶陽府寧州界一百三十里西南至平涼縣界七十里東北至慶陽府環縣界八十里西北至固原州界一百里漢置臨涇縣屬安定郡後漢移安定郡來治晉因之後魏嘗於縣置涇州尋廢隋大業元年改置秋谷縣尋復曰臨涇仍屬安定郡唐屬涇州元和三年於縣權置原州名曰行原州大中三年州還治平高廣明後復為行原州治縣仍兼屬涇州五代後唐清

泰三年始專屬原州宋曰原州平涼郡屬秦鳳路
金曰原州屬原慶路元改曰鎮原州屬鞏昌路至元
七年省臨涇縣入州明洪武初降州為鎮原縣屬
平涼府 本朝因之乾隆四十二年改屬涇州

形勢安仁南峙涇水北環地勢峻峭控扼要境

風俗高上氣力以射獵為先

漢書地理志

其人質木少桑

麻之利布帛鹽酪資于他郡

宋史地理志

城池涇州城

周三里門二濠深一丈明洪武三年因舊址改築 本朝雍正三年修乾隆二

十九年重修

崇信縣城

周三里一百九十八步門二十四面有隍唐始築明末截錦屏山

麓展築城之南面

本朝順治初修乾隆三十四年重修

靈臺縣城

周二里二百六十五

步門二濠深廣各八尺明季因舊址重築
本朝順治十年修乾隆三十三年增修
鎮原縣

城

周一里二百七十步門三濠深七尺元至正
二十年築本朝乾隆二十二年間重修

學校涇州學

在州治西明洪武間建本朝順
治十二年重修入學額數十五名
崇信

縣學

在縣治東明洪武四年建明末圯本
朝順治八年重建入學額數八名
靈臺

縣學

在縣治東南宋大觀三年建本朝
順治十三年重修入學額數八名
鎮原縣

學

在縣治東明洪武六年建本朝順治
初重修康熙中復修入學額數十二名
仰止書

院

在州城內明嘉靖中建鎮原有正學
書院在城內其餘縣俱設有義學

戶口

共十一萬四千六百五十七戶
八十萬四千一百八十四口

田賦

田地一萬六千四百七頃五十九畝六分八釐
地丁銀二萬七千五百九十六兩二錢八分九釐

登

山川筆峯山

在州南五里峯頂樹木陰密有水流涇州東二里曰朝那溝
回山在

西王存九域志保定縣有回山明統志謂之回中
山在州西五里上有王母宮通志下臨涇水俗名

曰官

兼山

在州北五里共池上為州主山

奔耳山

在州西南一里許形若龍尾

錦屏山

在崇信縣南縣城據其麓繁花木三時綯
爛如屏一名花山又閉銀山在縣南赤城

右山特峻拔

烽臺山

在崇信縣西五里山最高盤折數十層始至其頂昔時烽堠之所今

為若可備兵

斷萬山

在崇信縣西四十里華亭縣東北四十五里其山險絕難登與武安

鹽接界

文華山

在崇信縣西四十里峽口北岸奇峯秀峭狀若笑簪五龍山在崇

信縣西四十里峽口南岸其上林木翳翳相傳為唐時禦戎故壘上有藥王觀音等洞銅城

山在崇信縣西樂史太平寰宇記在潘原縣西南三十里縣志在今縣西四十里銅城之西鳳

山在崇信縣北三十里形如鳳翥下為殿子坡水聚貫珠濃露諸泉之水由匯口之西南流入汭

山之右有湫石谷內有湫深廣里許唐毛山在崇山之左有散花谷其水皆南流入汭信縣

北林木叢生如毛故名五馬山在崇信縣西南四十里以形似名又小京山在縣西南九

里十臺山在靈臺縣治北魏書地形志鶉觚縣有亭臺山明統志臺山在縣東北十里山多奇

木異鳥甘泉秀石府志縣枕臺山東蒼山在靈臺西延亘百里荆花尤茂一名荆山縣東南

二里其松柏蒼翠故名山之東有白雲洞丹壑萬仞綿延漸低而西如龍延頸謂龍灣崖保巖

山在靈臺縣東南三十里山勢峭拔回旋百折有九峯環匝一名九頂峯巖下臨南河有溫泉瀑

布山巔有頭臺可眺望隱形山在靈臺縣東北二里許孤峯特起蒼

松古柏連抱參天山麓書臺山在靈臺縣東北五里相傳皇甫元晏

讀書處按省志東山在鎮原縣東三里極高峻以為即臺山疑誤其下為舊東山縣舊治

玉山在鎮原縣東十里山多白石陰雨之後雅頭明艷如玉山巔有凌雲閣下臨萬仞

山在鎮原縣西南十五里又明統志雞頭山在縣西五十里謂即隗翼將王孟所塞又西二十里為

大隴山皆以周原州山入行原州誤今興潛夫山圖載大方山在縣西北即橫河發源處也

在鎮原縣北里許相傳後漢王符隱此

青石嶺

在州西北亦曰青石岸又名青石原漢元

初四年馬賢討羌敗於青石岸晉義熙三年赫連勃勃敗姚興將張佛生於青石原唐大曆七年吐蕃下青石嶺次於朝那城郭子儀諭却之貞元七年涇原節度劉昌築保定城捍青石嶺皆即此

青溪嶺

在州西南宋建炎三年金羅索攻涇原經畧使曲端遣將吳玠逆擊於青溪嶺敗之

羅索舊作婁宿今改

安仁谷

在州東南四十里中有長城砦宋范仲淹常遣宋良臣等控守

于此

拽兵原

在崇信縣北縣志唐李元諒破吐蕃於此故名

和戎原

在鎮原縣南二

十五里

良原

在靈臺縣西李吉甫元和郡縣志良原縣西南三十里有石原所謂良原也寰

宇記良原縣有白石原其原起自縣西南三十里東下三十里分為兩原一在南三十里更名良原

一在東北四十里更名梁杜原又卧龍原在靈臺
有望兒原在良原縣東三十里

里見子巖在華亭縣彭阮在州西北後魏孝昌初
東四十里崔延伯討万俟醜奴於

涇州從州西進去賊彭阮谷柵七里結營即此迎駕坡在崇信縣西南三
十里舊志相傳太

王避畋至此桃坡在鎮原縣西八十里馬鞍坂在州西北
晉義寧十

二年秦將姚紹自安定擊赫連勃勃于馬鞍坂破之龍門洞在華亭縣
南四十里碧泉

洞在州東北兼山左其涇水在州北源出平涼縣
水青色長流味甘西東流逕縣北又東

逕州北又東入邠州長武縣界周禮雍州其川涇
納漢書地理志并頭山禹貢涇水所出東南至陽

陵入渭過郡三行千六十里雍州川元和志涇水
出百泉縣西南涇谷亦曰薄落水南流經都廬山

渭州彈箏峽又涇水在保定縣東一里樂史太平寰宇記涇水從原州彈箏峽口流入渭州北一里又在潘原縣南一里又在涇州保定縣南十里入邠州宜祿縣又白巖河從華亭縣來經望家山峽口過渭州西十里明統志涇河自府城西南白巖發源府志涇水有二源南支出崆峒峽中曰前峽北支出老山曰後峽自華亭大會坡西北十里有泉百餘流為百巖川其西北曰聖女川曰化平川曰龍家峽川下流皆會於崆峒之前峽又西北曰馬支川曰暖水前川暖水後川曰鮑家川皆會於崇川而出崆峒之後峽滙於崆峒之東麓又西北曰卧陽川曰蔡家川曰瓦亭川俱會於金佛峽循府川而東亦至東麓與前後峽水合流為涇至龍尾山之陽則六盤牛營迤東山諸水滙焉而涇流始大至府城西北一里陰疏為中內外三渠陽亦一渠東西二十里分流溉田按輿圖涇河二源

北源發自固原州南界隆德縣東北界二派會流經瓦亭驛南合四水又東南經安固鎮至府西北合南源即所云出自筭頭及高山府志渭之後峽乃涇水正源也南源發自華亭縣西北八十里隆德縣東南界二派合流亦曰橫水東流折東北與北源會即白巖河府志所謂前峽涇水之別源也近志以筭頭山在府西南多左谷水在崇信縣西以白巖河為正源與古不合四十里銅城

西南流入汭水又五馬谷水在縣西南五馬山下通汭谷水在臨汭堡右紅土谷水在縣西南迎駕坡左西寺谷水在城南二里俱北流入汭水又城東谷水在城東門折而西環城之西北入汭水

四峪水

在崇信縣南赤城之南縣西南三十里有龍谷西南八十里有神谷又十里有九谷

又新甯二水之交曰對谷四谷之水漚而成川可資灌溉

陽晉水

在鎮原縣界元和志後魏

於陽晉川置黃石縣寰宇記陽晉水在臨涇縣南十五里源自縣西羅使堡番界來經本州八十里

入涇州保定縣界按舊志以為疑即今之橫河然元和志謂陽晉川在百泉縣西南則去臨涇稍

遠非今後川水源出鎮原縣西北交龍口曰高平橫河矣後川水川東南流徑縣南半里又東南北

會二水入涇州界名後川水又名橫河徑州東北三十五里由淺河川至長武縣界入涇水州北諸

谷水陽水皆入涇陰皆入橫河按元和志臨涇縣有彭陽水去縣一百步寰宇記臨涇縣有原州川

水自蕃界來徑州界五十五里入寧州彭陽縣界蓋即此今曰高平川者以舊原州有高平川誤移

其名於渰水在州西南亦名閤子溝源出州南二十里支家鋪有暖泉營流西北入汭

味甘利煮豆與州東朝達溪川水源出崇信縣南那溝常暴漲為居民害達溪川水五馬山曰白石

川東流入靈臺境為達溪川經縣南二里又東入長武縣界為黑水河入涇又府志靈臺縣西二十里有免兒川又五十里有坦巳川又縣西二十里有三女川東二十里又有後溝皆流入達溪中

蒲川水

在靈臺縣南寰宇記靈臺縣有蒲川酈道元水經注云蒲水出南山蒲谷東北合細

川水又東北流合且氏川水縣志蒲川縣之南川也自鳳翔分水嶺發源夾蒼離而出與達溪合

細川水

在靈臺縣南自麟遊縣流入後魏永安三年高平賊万俟醜奴屯安定耕於細川唐

初涇州鎮將劉威自高塘引還涇州與薛仁果戰於百里細川寰宇記普潤縣有細川谷水在縣南

北流入涇州界九域志靈臺縣有細水舊志細川水源出鳳翔府麟遊縣細川谷流入縣境在縣東

南二里下流與蒲川合

三香水

在靈臺縣東南寰宇記三交川水在縣東南十五里亦名

三香水源出麟遊縣縣志三香水在縣東十五里入蒲川又縣南二十里有小庵川自麟遊縣大賢

里至川口**納水渠**在崇信縣北一里唐李元諒疏與蒲水合**納水渠**渠引納水時荷畜魚民享其利

今渠尚存又新柳灘在縣西北一里本**太陽湫**朝順治中知縣武全文鑿渠植柳以灌田

在鎮原縣東六十里半山環五里餘深不可測旱禱多應又有任湫在縣西新城里元和志隋湫

谷縣取縣內湫**瑶池**在州西宮山之陽相近有谷為名即此暖泉水從石出隆冬甚暖**共**

池在州北五里水從地湧出**蓮花池**在鎮原縣西流溢成池兩地相連故名**蓮花池**一里水旱不

涸**百泉**在州西三十五里泉源溢竇而出者數十四時不涸民資灌亦名泉溝下流入涇州

志涇汭灘高流駛雖宣洩不能為利民間所資以灌溉者乃在陂澤源泉其溝渠舊有六十四道溉

田三千餘頃 懸泉

在靈臺縣西一百三十里橫渠鎮石崖數仞上覆如幕有泉下注如簾為

邑奇勝

溫冷泉

在靈臺縣東南保巖山陰半溫半冷痼疾者洗之即愈

甘泉

在靈

臺縣東北十里水味甘美

石泉

在鎮原縣西三百步水中出夏涼冬溫

康王井

在崇信縣西北郭昔李武康王元諒所鑿

聖井

在鎮原縣九十里石窟寺內又有九龍井在縣

西二十里

古蹟安定故城

在州北十五里漢置屬安定郡後漢罷東晉復置為安定郡治崔鵠十六

國春秋符秦甘露二年分司隸為雍州以符雙為刺史鎮安定晉書地理志姚興分領北五郡置雍州鎮安定赫連勃勃又以涼州牧鎮安定元和志後魏神䴥三年置涇州因水為名大業二年改為

安定郡武德元年太宗討平薛仁果遂改安定郡為涇州西北至平涼縣一百五十里東南至邠州一百八十里保定縣郭下本漢安定縣地今臨涇縣安定故城也後魏文帝大統元年自高平移於今理屬安定郡隋開皇三年罷郡以縣屬涇州至德二載改保定縣金史地理志涇川縣本保定縣大定七年更明統志明洪武初省涇川縣入涇州廢縣在州北五里州志舊有土城元末院判張庸築周三里有奇洪武三年徙治涇南之皇甫家店即今治也

崇信故城

今崇信縣治

字記崇信縣新置在鳳翔府西北二百二十五里本唐神策軍之地後改為崇信縣建隆四年以崇信暨赤城東西兩鎮及永信鎮等四處於此合為崇信縣九域志在渭州東南八十有五里

鵜

鵜故城

在靈臺縣東北漢置袁崧書漢末以鵜鵜置新平郡魏書地形志趙平郡治鵜鵜縣

有鵜觚原元和郡國志靈臺縣西至涇州一百里
本漢鵜觚縣天寶元年改為靈臺寰宇記廢鵜觚
縣在宜祿縣西四十里周地圖記鵜觚縣者秦使
太子扶蘓及蒙恬築長城見此地原高水淺因欲
築城遂以觚爵奠祭乃有鵜鳥飛在觚上以為靈
異因名縣石趙建武十年置趙平郡後魏大統中
自鵜觚故城移今所唐改靈臺明統志靈臺縣在
涇州南九十里又鵜觚故城在縣東與邠州廢宜
祿縣接界陰密故城在靈臺縣西五十里詩大雅密人
涇王密康公從有三女奔之康公弗獻一年王滅
密左傳昭公十五年王曰密須之鼓與其大輅文
所以大蒐也杜預注密須姑姓國在陰密縣史記
秦昭王免武安君為士伍遷之陰密漢書地理志
安定郡領陰密縣詩密人國後漢縣廢魏復置晉
書胡奮傳父遵魏封陰密侯又地理志赫連勃勃

以雍州刺史鎮陰密魏書地形志平涼郡頽陰密縣後周廢蕭德言括地志陰密故城在安定縣東鶉觚縣西其東接縣故城即古密國元和志陰密故城在靈臺縣理西明統志陰密城在靈臺縣西五十
臨涇故城 在鎮原縣西二里漢置屬安定郡里子居臨涇更始遣李松等擊滅之後漢移安定郡來治建安十八年曹操自長安圍安定楊秋以城降即臨涇城也晉仍為郡治後魏初於郡置涇州魏書地形志涇州治臨涇城是也後移州治平涼又移治安定而臨涇縣廢隋改治秋谷縣後復曰臨涇元和志縣東南至涇州九十里本漢舊縣隋大業元年置秋谷縣取縣內秋谷為名十二年復為臨涇縣唐書郝玼傳貞元中玼為臨涇鎮將說節度使馬璘曰臨涇扼洛口其川饒衍利畜牧其西走戎道曠數百里皆流沙無水草願城之為休養

便地璘不聽及段佑代節度玘又說築臨涇佑請於朝詔城臨涇為行原州以玘為刺史戎之自是虜不敢過臨涇唐會要臨涇縣貞元十一年節度使劉昌奏請于臨涇縣界保定城置五代史職方考唐末權於臨涇置原州而涇州兼治其民後唐清泰三年割隸原州寰宇記原州理臨涇縣東至彭陽縣五十五里西至開邊堡番界三十里南至潘原縣九十里北至寧羌縣九十里元史地理志元改原州為鎮原州至元七年併臨涇入州明統志鎮原縣在府東北一百三十里臨涇城在縣西二里府志漢臨涇城在今縣東南五十里按鎮原縣本古臨涇之地歷代諸志班班可考自唐置行原州宋為原州明統志不考行州之故謂即隋唐原州誤詳見高平故城下

彭陽故城

在鎮原縣東八十里漢置屬安定郡後漢靈帝初段熲討叛羌自彭陽直抵高平即此晉廢拈地志

彭陽故城在臨涇縣東三十里元和志在彭原縣西南六十里臨涇縣界按後魏徙置彭陽縣隋改

彭原詳見慶陽府宋又改爰得廢縣在州東南漢唐豐義為彭陽別見下置屬安定郡

後漢省後魏復置屬新平郡魏書地長武廢縣在形志爰得縣有邑城東魏城後周省長武廢縣在

東七十里接邠州長武縣界詳見長武靈臺廢縣在今靈臺縣東南五十里隋書地理

志大業初分鶉觚置靈臺縣二年廢唐書地理志義寧二年又析鶉觚置靈臺縣隸鳳棲郡貞觀元

年省入良原故城在靈臺縣西北九十里隋書地理志安定郡統良原縣大業初

麟遊置唐書地理志涇州良原縣興元二年沒吐蕃貞元四年復置李元諒傳元諒節度隴右治良原開

美田數十里歲入菽粟數十萬斛元和志縣東北至涇州六十里通考唐置良原軍周廢軍復為縣

元史地理志至元十一年以良原併入靈臺安武廢縣在鎮原縣南漢

漢省後魏復置屬西北地郡魏書地形志陰盤縣有安武城蓋當時徙置非故治也又隋書地理志

朝那縣西魏置安武郡及析置安武縣開皇三年郡縣並廢入馬元和志臨涇縣兼有漢安武安定

彭陽四縣舊城之地府撫夷廢縣在鎮原縣北漢志安武故城在府東北

漢省後魏復置屬隴東郡又魏書地形志烏支縣有撫夷城蓋非故治也隋省豐義廢縣

在鎮原縣東南隋書地理志彭原有豐城西魏置雲州後周廢元和志豐義縣東南至寧州八十里

本漢彭陽縣地今縣理西四十里彭陽故城是也後魏於縣理置雲州周武帝保定二年廢州為防

隋文帝廢防名為豐義城武德二年分彭原縣置豐義縣因舊城為名屬彭州貞觀元年州廢縣屬

寧州宋史地理志唐豐義縣太平興國中改彭陽九域志至道三年改屬原州在州東六十里元史

地理志至元七年共邑在州北五里詩大雅密人併彭陽入鎮原州

國地名今銅城在崇信縣西魏書地形志安定縣共池是銅城明統志城在縣西四十里

廢潘原縣有銅城山以此為名舊志黃巢之亂土人築以禦寇北枕高山南面平原踞汭水峽口故

址尚存今南移二赤城在崇信縣南王存九域志里許為中原堡崇信縣有西赤城鎮明統

志在崇信縣西南五十里金為鎮府志相傳秦始皇田獵至此築城駐蹕以土赤故名城高溝深可以

避兵今為新安堡又廐城在縣南二百步山城外原上唐李元諒築以畜馬周一百八十二步今址尚

存又九工城在縣東十里北山之麓武亭城在鎮初欲建城於此築九堵而罷故名原縣

南六 十里 西城屯

在鎮原東南唐興元初李晟復西京朱泚自涇州北走至彭原西城屯其

將梁庭芬殺之趨涇州降縣志在今縣東南九十里府志有屯子鎮在縣東五十里有奇疑是折

塢城

在州東北十五里元和志在保定縣東十里西魏涇州刺史乙貴所築隋末薛舉屯據

此城亦名薛舉城

當原城

在州西北後魏孝昌初万俟醜奴等寇掠涇州置營州西北七

十里當原城府志兼山西二十里曰皇甫頭又十里曰閣道又十里曰當原城

百里城在靈

臺縣西亦曰百城唐大歷八年吐蕃入寇郭子儀使渾瑊將兵趨朝那吐蕃至百城而還十年馬璘

復破吐蕃於百城廣德元年馬璘以原州入吐蕃表置行原州於靈臺縣之百里城九域志靈臺縣

有百里鎮縣志百里城在縣西五十里唐李元諒所築

平亭

在州東五里魏書永安三年万

俟醜奴走還安定置柵於平亭元和志醜奴餘址在保定縣東五里醜奴高平人後魏建義元年僭號於此州志有米麵山在州東南五里峻峭特起醜奴寇涇時將軍盧祖遷拒之指二邱為米麵兵威甚盛醜奴遁去至

書臺

在鎮原縣北潛夫山金大定間因書臺舊址建

今人呼為米麵山

思潛

讀書臺

在靈臺縣東北五里晉皇甫謐讀書處

曠如亭

在州北五里共

池皇甫頭

在州西北二十里有皇甫高讀書臺

鹽倉

在州西唐大厯八年涇原節度

使馬璘與吐蕃戰於鹽倉敗績蓋是時時運鹽儲此以供軍故有鹽倉之名

關隘盤口鎮

在州南三十里盤口河北岸有市

新城鎮

在鎮原縣西九城志乾興

元年以慶州柳泉新城二鎮隸原州其新城鎮在州西五十里熙寧三年廢截原砦入之柳泉鎮在

州西北七十里舊名鵠鵠原領邵寨鎮在靈臺縣東五十里

耳朶城一堡又彭陽縣有蕭鎮

金史地理志靈臺縣有邵寨鎮自石塘鎮在靈臺縣西三十里又百里鎮即古百里

城良原鎮即良原廢縣上良鎮在靈臺縣西七十里一名啟祥

堡西屯鎮在靈臺縣北三十里亦名西屯堡縣志唐郭子儀遣將白元光破吐蕃屯兵處

遺址尚存西濠砦在鎮原縣北九域志在原州北四十里端拱元年置金因之元廢開

邊砦在鎮原縣西南二十里九域志在原州西二十里咸平元年置熙寧三年廢新門寨入之

又安平砦在州西八十里天聖五年置綏寧砦在金因之元廢明置安平寨巡司今廢鎮

原縣西北九域志在州西北一百三十里慶歷四年置領三堡又靖安寨在州西北一百六十里

慶歷五年置領九堡元廢九工堡在崇信縣東十
府志靖安寨地名葫蘆泉里即故九工城

又新安堡在縣南毛家堡在崇信縣西南六十里
四十里即故赤城即新密鎮舊出石炭瓦

器流民結聚者衆今炭絕鎮廢又三鄉關堡亦
在縣西南與華亭安東衛相間為華隴孔道佛

空坪堡在鎮原縣西北連雲堡在州西舊唐書吐
宋慶歷中修築蕃傳貞元三年攻

連雲堡陷之堡之三面頗峻峭唯北面連原以濠
為固涇州西要地也四年戌將劉昌始修復之

金家凹堡在州東十里俗呼圪塔關明置
巡司後廢有城周一里有奇密店鎮

堡在州東七十里與長武縣接瓦雲驛在州東五
界有土城周九十三丈零十里瓦雲

堡有城周二里有奇有驛丞今裁東至長武縣宜
祿驛五十里又有高家凹遞運所在州東四十里

有堡周一里七分

王村堡

在州西三十里有城周一里三分東西二門有市

安定

驛

在州治西北至白水驛七十里又有涇州遞運所

白水驛

在鎮原縣南九十里西至

高平驛七十里
有驛丞今裁

津梁汧水橋

有二一在州西北二里一在崇信縣北一里木橋也每年夏水發折去霜降後

重修來薰橋

在靈臺縣治南

棲鳳橋

在靈臺縣西北五十里有仰彌

橋

陵墓周密康公墓

在靈臺縣西北五十里

晉皇甫謐墓

在靈臺縣西北十里

唐牛仙客墓

在靈臺縣南一里蒲川水西石闕前有碑存

牛僧孺墓

在靈

臺縣南

三十里 龐瑜墓

在崇信縣治西武康王廟前瑜崇信知縣明末殉難

烈女墓

在靈臺縣西五十里吉白堡北藍菊崖明萬曆末女被賊掠投崖而死土人葬之墓生藍菊一叢因

名其崖而女逸姓氏

祠廟龍王湫祠

在州境回山之麓有唐太宗碑

周文王廟

在靈臺縣東保巖山

上左邱明廟

在靈臺縣東北三十里見寰宇記縣志東北三十里有左邱明墓蓋因廟

以附潛夫祠

在鎮原縣北潛夫山祠漢王符

二賢祠

在靈臺縣東郭北街明萬

曆四十五年建祠晉皇甫謚明節愍公巨敬

郭汾陽祠

在靈臺縣北西北屯鎮

武康王

廟

在崇信縣治西祀唐李元諒

王珪廟

在鎮原縣治珪與夏人戰嘗以所得二槍植山

上其後戰沒邊人
即其處為立祠

寺觀龍馬寺

在州城東宋太祖微時嘗過此寺僧守
嚴者異其骨相陰使畫工圖於寺壁

勝果寺

在靈臺縣治西即牛仙客故宅又至定寺
在縣南離山之北即牛僧孺別墅有銀杏

一株相傳為
牛氏所植

王母宮

在州西寰宇記保定縣有西
王母祠州志王母宮在回中

上山

名宦漢王尊

涿郡高陽人為安定太守出教告屬縣
明慎所職毋以身試法救掾功曹各自

砥礪其不中用趣自避退五官掾張輔貪污不軌
將輔送獄盡得其狡猾不道百萬姦賊威震郡中

盜賊分散
入旁郡界

蕭由

東海蘭陵人遷安
郡太守治郡有聲

張負

敦煌酒泉
人永壽元

年遷安定屬國都尉初到職匈奴寇美稷東羌應
之與勒兵而出連戰破之郡界以寧羌豪感與威
德上馬二十匹先零酋長遺金鐻八枚與以酒酌
地曰使馬如羊不以入廐使金如果不以入懷悉
遷之正身潔已威化大行南北朝魏竇熾扶風平陵人大統十
職數年政號清靜廢帝元年除原州刺史隋周羅
抑挫豪右申理幽滞在州十載甚有政績羅
睽尋陽人開皇中轉唐劉威鳳泉人武德初以驃
仁果所圍糧盡殺所乘馬啖士而煮骨自飲和木
屑以食長平王叔良救之與叔良出戰為賊所執
令感約城中降威始諾至城下大呼曰賊大饑亡
在朝暮秦王數十萬衆且至勉之無苦仁果怒執
威埋其半土中馳射之至死訾益甚賊平馬璘岐
高祖購得其尸祭以少牢贈瀛州刺史

扶風人為涇原節度使大厯八年吐蕃內寇渾瑊戰宜祿不利璘設伏潘原與瑊合擊破之俘級數萬在涇八年繕屯壁為戰守具段秀實汧陽人代令肅不殘人樂為用寇不敢犯州刺史邠寧節度使馬璘每所咨逮璘處決不當固爭之不從不止大厯三年徙邠寧軍於涇州軍有怨言別將王童之謀作亂約聞警鼓而縱秀實知之召鼓人陽恕失節戒曰每籌盡當報因延數刻盡四鼓而曙明日復約夜焚膏積因救火為亂夜中果火發秀實令軍中曰敢救者斬童之不得入明日捕斬之軍遂遷涇州時倉無久儲邠無居人朝廷患之詔璘領鄭穎二州以佐軍命秀實為留後軍不乏資二州以治璘嘉其績奏為行軍司馬兼都知兵馬使璘卒都虞侯史廷幹裨將崔珍張景華欲謀亂秀實送廷幹京師從珍景華於外一軍遂安即拜涇原節度使數年吐蕃不敢犯寨

馮河清

京兆人為涇原兵馬使與吐蕃戰有功建中時節度使姚令言率兵討關東以河清

知留後幕府殿中侍御史姚汎領州德宗走奉天河清汎召諸軍計事東向哭即發儲鎧完仗百餘

乘獻行在六軍大振即拜河清涇原節度使安定郡王汎行軍司馬朱泚數遣謀人誅之河清輒斬

以狗興元中河清為田李觀洛陽人貞元時擢涇希鑑所害汎還鄉里

訓部伍儲赤玼貞元中為臨涇鎮將說節度使段藏饒衍佑城臨涇為行原州以玼為刺史

戎之自是虜不敢過臨涇玼居邊積三年每討賊不持糗糧取之於敵獲虜必剝剔而歸其屍虜大

畏道其名以怖啼兒遷涇原行營節度使贊普嘗等玼身鑄金象令於國曰得生玼者以金玼償之

朝廷畏失名將朱忠亮涇原四鎮節度使隱覈軍籍得竄徙為慶州刺史

名者三千人歲收乾沒十萬緡吏曰耄卒不任戰者可罷答曰古於老馬不棄況戰士乎聞者莫不感奮涇俗舊多賣子忠亮

楊元卿

穆宗時擢涇原渭節度使壘發

屯田五千頃屯築高垣牢鍵閉寇至耕者保垣以守居六年涇人德之

史憲忠

建康人會

昌中築三原城吐蕃因數犯邊拜憲忠涇原節度使吐蕃遣使來請墮城且願以嘗殺使者之入置塞上憲忠使謝曰前吾未城爾犯我地安得禁吾城爾知殺吾使為負宜先取罪人謝我令與爾約前節度使事一置之吐蕃情得而服憲忠疏

裴識

聞喜人宣宗時蕃酋尚恐熱上三州七關列屯分守因擇名臣以識為涇原節度使帝親臨遣識至治堞障整戎器開屯田初將士守邊或積歲不得還識與立戍限滿者代親七十近戍由是人皆感

悅 盧簡求

河中蒲人大中九年党項擾邊拜涇原渭武節度使簡求居邊善綏御人皆安

之 周寶

盧龍人為涇原節度使務耕力農聚糧二十萬斛號良將宋陳貫人真

宗時知涇州督察盜賊禁戢不肖子弟簿書管庫賦租出入皆自檢覈嘗謂僚曰視縣官物如已物

容有姦乎州

王沿

館陶人仁宗時為涇原路觀察使元安撫招討使改涇州觀察使元

人憚其嚴

吳入寇副都總管葛懷敏率兵出捍沿教懷敏率兵據瓦亭待之懷敏進兵鎮戎沿以書戒勿入第

背城為砦以羸師誘賊賊至發伏擊之可有功懷敏不聽進至定川果敗賊乘勝犯渭州沿率州人

乘城多張旗幟為疑兵賊遂引去

尹洙

河南人仁宗時知涇州兼領涇原路經畧

公 王堯臣

虞城人仁宗時再安撫涇原初曹瑋開山外地置籠竿等四砦募弓箭手給田

使耕戰自守其後將帥失撫御稍侵奪之衆怨怒遂劫德勝砦將姚貴閉城畔堯臣適過境上作書射城中諭以禍福衆遂出降乃為申明約束如舊而去既還因論沿邊城砦控扼要害賊徑通屬及備禦輕重之策為五事上之又請涇
蔣偕 鄭縣人原五州營田益置弓箭手皆報可
仁宗時 歷知涇州徙原州邊民苦屬戶為鈔盜偕得數輩腰斬境上盜為息遷本路鈐轄明珠康奴諸族數為寇偕潛兵伺之斬首四百擒
趙珣 歸信人為緣酋豪焚帳落獲馬牛羊千計
趙珣 邊巡檢使涇原路招討都監屯涇州兼治籠竿城麻種黨留百餘帳處近塞為暴珣引兵自靜邊襲擊俘獲數千計賸種居龕谷無所屬珣與書招之賸種聽命元昊大入寇檄珣會葛懷敏於瓦亭珣曰夏恃衆遠鬪鋒銳盍依馬欄城布柵以扼其路守鎮戎城以便餉道俟其衰擊之否則必為賊所屠懷敏不聽

珣戰沒

滕宗諒

河南人仁宗時知涇州葛懷敏軍敗於定川諸郡震恐宗諒顧城中兵少

乃集農民數千戎服乘城又募勇敢諜知寇遠近及其形勢檄報旁郡使為備會范仲淹自環慶引

蕃漢兵來援宗諒乃大設牛酒犒師又籍定川戰沒者祭酌之厚撫其孥於是邊民稍安 **狄青**

西河人為涇原路副都總管經畧招討副使仁宗以青數有戰功欲召見問以方略會賊寇渭州命

圖形以進

李及之

濮州人仁宗時知涇州吏事精明居官稱職

王珪

開封人為涇州

駐泊都監康定初元昊寇鎮戎軍珪將三千騎為先鋒自瓦亭至師子堡敵圍之數重珪奮擊披靡

獲首級為多語其下曰兵法以寡擊衆必在暮我兵少乘其暮擊之可得志也復馳入有驍將持槍

直珪胸傷右臂珪左手以杵碎其腦繼又一將以槍進珪挾其槍以鞭擊殺之一軍大驚遂引去是

欽定四庫全書

卷二百九

歲改涇原路都監明年為本路行營都監尋至黑
山焚敵族帳獲首級馬駝甚衆會敵大入以兵五
千從任福屯好水川連戰三日福陷圍中珪獨入
殺數百人鞭鉄撓曲手掌盡裂奮擊自若及矢中
目乃還夜中卒**武英**太原人仁宗時為涇原行營
都監與任福合諸將戰張家
邊人立祠祀之
堡斬首數十百敵棄羊馬偽遁諸將皆趨利爭進
英以為前必有伏衆不聽伏發福等既敗英猶力
戰自辰至申矢盡遇**桑懌**雍邱人為涇原路兵馬
都監屯鎮戎軍與任福
害贈邢州觀察使
遇敵好水川力戰而**劉永年**并州人仁宗時出知
涇州帝賜詩寵之郡
死贈解州防禦使
兵歲以香藥為折支三司不時輦致振武卒素驕
譁通判廳事請以他物代給永年召至庭下數其
罪斬為首之**高敏**登州人為涇原指揮使數與西
人餘不敢動**夏戰**遭重傷范仲淹韓琦皆薦

之為閣和斌郢城人仁宗時為德順軍指揮使凡五年數捍敵被重創十餘神宗時徙

涇原鈐轄渭部機帥王廣淵命賑給安俊太原人仁宗時

斌擇地營居養視有法所活以萬計張吉延安人

徙涇原鈐轄條上禦戎十三事遷原州刺史知涇州俊久在邊羌人畏之

將解宣威城劉仲武成紀人熙寧中為涇原將夏人謀犯天聖砦渭帥檄諸將

會兵約曰過某日賊不至即去仲武謀得的期乞緩分屯帥不樂但留一將及仲武軍如期而敵至

力戰却之李復圭緱氏人神宗時知涇州始時二稅之入三司移折已重轉運使又覆折之

復圭為奏免姚麟五原人元豐中為涇原副總管夏人修貢且乞蘭會壤土麟言

民立生祠

蘭會不可與願戒將帥飭邊備示進討之形以絕其望從之督諸將討堪哥平經畧使盧秉上其功

三

欽定大清一統志

賜金帛 王恩

開封人哲宗時為涇原將嘗罄軍出
萬惠嶺士饑欲食恩倍道兼行衆洶

洶已而遇敵數萬引兵先入壁井竈皆具諸將始
服羌扣壁願見恩單騎徑出遙與語一夕羌引去

遷涇原副都總管城西安築臨羌天都十餘壘羌
圍平夏恩設伏敗之徽宗時改知渭州括隱地二

萬三千頃分弓箭士耕屯
為三十一部以省餽餉

朱友恭

西安人為涇原
第一副將將步

兵捍金人於華亭數有功會金兵大集友恭力戰
為所得渭帥既降誘以甘言許優進官秩不肯從

更詆辱之帥不勝忿斷其脛
以徇經日乃斬之贈敦武郎

金張行信

日照人興
定二年為

彰化軍節度使兼涇州管內
觀察使上書論事多採納

明徐鏞

興國州人成
化間以御史

謫之鎮原縣歲饑請於上官移民就食全活萬計
修倉得錢數十萬緡以賑貧乏蠲宿逋流亡多復

業者尋調臨潼鎮龔瑜公安人崇禎七年以歲貢原民數千泣送之

大雨土垣盡圯賊掩至瑜急解印令家人齎送上官率家丁持挺巷鬪被執不屈大罵而死贈固原

知婁琇湘陰人崇禎中知涇州賊陷城死之贈太僕寺少卿

本朝馮明雨

鎮原縣典史康熙十四年王輔臣之變城破遇害

人物漢李恂

字叔英臨涇人少習韓詩教授諸生常數百人太守潁川李鴻請署功曹未到

州辟為從事會鴻卒恂不應州命而送鴻喪還鄉里後拜侍御史持節使幽州宣布恩澤所過皆圖寫山川屯田聚落百餘卷悉封奏上肅宗嘉之拜兗州刺史遷張掖太守徵拜謁者使持節領西域副校尉西域數遺恂奴婢宛馬金銀香罽之屬一無所受北匈奴數斷西域道使命不通恂設購賞

遂斬敵帥懸首軍門自是道路夷清威恩並行遷
武威太守後坐事免步歸鄉里與諸生織席自給
年九十

王符

字節信臨涇人少好學有志操與馬
融竇章張衡崔瑗等友善耿介不同

六卒

於俗隱居著書三十餘篇以譏當時
得失不欲章顯其名號曰潛夫論

晉胡奮

字元威臨

涇人性開朗有籌畧少好武事宣帝伐遼東以白
衣侍從甚見接待以功累遷征南將軍假節都督
荊州諸軍事奮家世將門晚乃好學所在有聲績
居邊特著威惠遷左僕射加鎮軍大將軍卒謚曰
壯奮兄弟六人凡廣弟烈並知名烈字武元為將
伐蜀鍾會之反也烈與諸將皆被閉烈子世元時
年十八為士卒先攻殺會名馳遠近烈為秦州刺
史及涼州叛烈屯於萬斛堆為寇所圍無援遇害

隋牛宏

字里仁安定鶉觚人性寬裕好學博聞開
皇初授秘書監宏以典籍遺逸上表請開

獻書之路。上納之。進爵奇章郡公。拜禮部尚書。奉勅修撰五禮。除太常卿。詔與姚察許善心何妥虞世基等正定新樂議。置明堂宏條。上故事。上甚重之。時楊素恃才矜貴。輕侮朝臣。見宏未嘗不改容自肅。尋拜吏部尚書。選舉審慎。並多稱職。累進上大將軍。右光祿大夫。卒。諡曰憲。宏榮寵當世。而車服卑儉。事上盡禮。待下以仁。隋室舊臣。始終悔吝。不及惟宏一人而已。有文集十三卷。子方大亦有學業。官至內史舍人。

唐呂向

字子回。涇州人。少隱陸渾山。工草隸。強志於學。開元十年召入

翰林。兼集賢校理。侍太子及諸王。為文章。時帝歲遣使採擇天下姝好。內之後宮。向因奏美人賦。以諷。又獻詩。規校獵。從帝東巡。帝因番禺酋長入伏內射禽。向又諫止之。官至工部侍郎。嘗以李善釋文選為繁釀。與呂延濟等五人更為詁解。時號五臣註。

皇甫鏞

字蘇卿。臨涇人。第進士。兄

鑄為相時任河南少尹見權寵太盛每極言之鑄不悅乃求分司為太子右庶子鑄敗朝廷賢之授國子祭酒開成初以太子少保卒鑄能屬文工詩為人寡言正色衣冠甚偉不屑世務所交皆知名士著書

牛仙客

鶻觚人初為縣小史令隴西遷洮州司馬清勤不懈以蕭嵩薦遷太

僕少卿開元末為朔方總管書事省用倉庫積實遷工部尚書同中書門下三品卒諡貞簡

牛

僧孺

字思黯隋竒章宏之裔元和初以賢良方正對策第一穆宗時徙御史中丞按治不法內

外澄肅以戶部侍郎同中書門下平章事敬宗立封竒章郡公時政出近倖僧孺數表去位授武昌節度使文宗立復相時以議吐蕃維州事僧孺挾素怨沮李德裕策帝以為不直罷為淮南節度宣宗時終太子少師子蔚第進士由監察御史為右補闕大中初屢條切時政累官山南西道節度使

以尚書右僕射致任蔚弟叢亦第進士任補闕數
言事稱旨咸通末拜劍南西川節度使僖宗時終

吏部尚書**牛徽**蔚子舉進士累擢吏部員外郎乾符中
選濫吏多奸歲調四千員徽治以剛明

杞杜干請法度復振父蔚避地於梁道病徽扶籃
輿歷閣路盜擊其首血流面持輿不息徽拜曰人

皆有父今親老而疾幸無驚駭盜感之乃止及前
谷又逢盜輒相語曰此孝子也共舉輿舍之家進

帛裹創以體飲奉蔚留信宿去拜諫議大夫固辭
乞還侍親後為刑部侍郎崔引忌其正換左散常

侍以刑部尚書致仕**宋胡順之**字孝先臨涇人登進士第試
秘書省校書郎歷知休寧縣

青州從事皆有聲仁宗即位遷太常博士天聖明
道間再工宰相書乞太后還政累遷屯田員外郎

其後數論朝廷事范仲淹愛其才以目失明廢**楊政**字直夫臨涇人父忠
戰沒政甫七歲哀毀

如成人建炎間從吳玠擊金兵九戰九捷紹興初
大破金兵於箭筈關又從吳玠拒金兵於仙人關
入蜀連日百餘戰敵遂遁去授環慶路經畧安撫
使改經畧安撫涇原兼帥環慶利路徙知熙州利
州興元金人渝盟政為都統制凡大戰七斬獲甚
多累拜太尉卒諡襄毅政守漢中十八年凡於民
便者不敢以軍旅廢故為吳玠裨將及與明巨敬
璘分道帥師執門下之禮益恭世頗賢之明巨敬
靈臺人初為御史建文中改戶部主事充史官
清慎有聲燕王入京不屈死夷其族後諡節愍仇
鉞字廷威鎮原人襲江都仇理世職為寧夏前衛
指揮同知正統中定安化王寘鐸之亂擢寧夏
總兵官論功封咸寧伯已拜平賊將軍討平劉惠
趙鐸等於河南復移師會陸完滅劉七等於江北
進世侯大同有警命充總兵張麟靈臺人以明經
官統京軍禦之卒諡武襄

張麟

授榮河縣丞性

恭愿動止有則執喪三年未嘗與妻言適邠州遇盜劫所乘騾及行裝其騾弗行麟語盜曰是騾非鞭不行吾尚有鞭以予汝驚曰此必靈臺張古人也遂拜還所劫

本朝李必智

州人養母盡孝及喪哀毀逾節廬墓三載又同州人閭閻誠早歲失怙為繼母

李氏撫育李偶有小病寢不解衣輒籲天請禱代歿後亦廬墓三年又崇信縣生員王爾公關巖鎮原縣民張煜貢生張峰事親並以孝聞於乾隆年間先後旌表

列女漢皇甫規妻

安定人不知何氏女善屬文能草書時為規答書記規卒妻年猶盛

而容色美董卓承其名聘之妻乃輕服詣卓門自陳辭甚酸愴卓使侍者拔刀圍之妻知不免罵曰君羌胡之種毒害天下猶未足耶妾之先人清德奕世皇甫氏文武上才為漢忠臣君其趨使走吏

敢欲行非禮於爾君夫人耶卓乃引車庭中以其
頭懸軛鞭朴交下妻謂持杖者曰速盡為惠遂死
車下後人圖畫
號曰禮宗云
南北朝魏貞女兒氏
涇州人許嫁彭老生為妻

聘幣既畢未及成禮兒氏率行貞淑居貧常自春
汲以養父母老生輒往迫之不肯從老生怒而刺
殺之臨死謂老生曰我所以執節自固者正欲奉
給君耳今反為君所殺言終而絕老生論死太和
七年詔曰女守禮履節沒身
不改其標墓旌善號曰貞女
宋楊政母
涇州人政官涇原母

留敵境間遣人省視之母惟勉以忠義和
議成始得迎歸詔封其母感義郡夫人
雷氏名秀

貞涇州人年十八家貧採蔬於野有惡少方鋤迫
而求通女憤以蔬刃刺之被鋤擊死巡按疏表其

門
魯氏
涇州人嘉靖初西寇劫掠魯氏罵賊死之
梁自立妻蒲氏
崇信人崇

初未避亂山穴中賊掠得將逼之氏不從遇害其
子婦闕氏聞寇至方自縊為賊所持罵不絕口賊
怒殺之又平涼府楊氏女字孝姐賊猝至匿薔薇
叢中以泥塗面賊搜得脅之行大罵不從亦被殺
張國珍妻朱氏崇信人國珍為賊所掠三年未還
氏泣曰婦去誰事姑且兒歸多氏烈女靈臺人父
奈何不聽遂入室自縊死卒未聘女
避寇於隱形山北窰窖內被賊搜獲舁上馬不從
躍下者三賊以美言誘之女遮面大罵賊斷其手
而殺之又王氏女適隴州民未一月因元夕歸寧
被賊掠去女涕泣罵詈且求斃賊感其節烈釋之
女歸家以為身雖全手已受辱
適夫至伴慰之即日自縊死

本朝脫海龍妻趙氏

鎮原人順治初同夫避賊崖窰
夫為賊所殺氏遂投崖死又涇

州民婦蘇氏李氏相繼沉河死靜寧州諸生王傳妻王氏常能妻張氏俱自縊死張標妻楊氏自到

死賈德友妻陳氏罵賊剖腹死杜起周妻史氏同州人夫亡守節又

氏張玉顯妻史氏常際熙妻史氏王琮妻景氏李秀妻張氏李生文妻牛氏史業久妻景氏楊成千

妻曹氏閻魏生妻李氏生員史維經妻白氏景爾治妻李氏生員王希朱妻張氏王玠妻牛氏俱乾

隆年間先關鞏妻馬氏崇信人夫亡守節又同縣後旌表貴婉成妻關氏杜朝柄妻

朱氏朱萼妻關氏田吉祥妻郭氏生員李增長妻關氏梁穆康妻李氏黃登彥妻王氏梁居正妻李

氏梁元第妻張氏馬廷麟妻白氏劉世昌妻王氏王品之妻張氏俱乾隆年間先後旌表于

景凱妻高氏靈臺人夫亡守節乾隆六年旌表又同縣史養正妻趙氏王子哲妻蔡

氏鄧福妻王氏劉毓奇妻仇氏田奉祿妻孟氏姚
杰妻多氏張大功妻李氏劉自恭妻宋氏劉德彰
妻孫氏馬斌妻王氏郭鎮妻張氏王相妻張
氏張光書妻孫氏俱乾隆年間先後旌表陳偉

經妻朱氏

鎮原人夫亡守節乾隆六年旌表又
同縣沈景泰妻朱氏趙爵妻高氏張思

明妻章氏包名世妻賀氏許遜妻路氏劉珽妻羅
氏賈亦達妻張氏張柱妻章氏生員張泰吉妻許
氏杏杰妻賈氏杏勉妻馬氏生員張文英妻杜氏
張榮妻姜氏段峴妻張氏賀理妻張氏張銀妻高
氏劉福應妻曹氏張永昌妻席氏段寧正妻張氏
李文正妻馬氏張樾妻陳氏趙元妻李氏李萬智
妻張氏李國棟妻張氏張庶吉妻杜氏張鑄妻鄭
氏張付妻劉氏張壽仁妻馬氏折鳳栖妻段氏焦
俊儒妻張氏張紹禮妻常氏張紹章妻趙氏劉自
前妻段氏苟遵妻張氏俱乾隆年間先後旌表

仙釋宋朱有

涇州人少竄名五符宋元豐初瀘賊犯塞詔起秦卒征之軍次齊中郡有醢壇

山李阿試仙臺有往來臺上俄二鳥飛鳴爭食墜地若松肪者有取食之即腹脹且渴求池水飲焉遇一道士指松曰食此葉可療也忽不見有如其言渴遂止自覺心爽神清有始不知書不飲酒至是高吟劇飲脫五符而仙去

土產良馬

俱涇州土產毛種覆鞍種寰字記涇州土產駝

毛種九域志涇州貢紫茸毛鎮戎軍貢白種

麻布

鎮原涇州出元和志涇州賦麻布裳

宇記俱州賦考弦麻

龍鬚席


涇州出元和志涇州貢唐書地理志涇州原州貢

欽定大清一統志卷二百九



秦州圖





秦州表

兩漢

三國記

晉

魏周

隋

唐

五代

宋

金

元

明

州秦

上邽縣
屬隴西郡
後漢屬漢
陽郡

西縣
屬隴西郡
後漢屬漢陽郡

望垣縣

上邦縣

西縣

望垣縣

上邽縣
州郡治

秦州天水郡初移郡治復初名太康七年置州

廢

廢

上邽縣
改名

邵秦州天水

上邽縣
復名郿

天水郡
初廢郡
業初復置

上邦縣
初為州治
寶應初入
吐蕃廢大
中三年收
復改鎮屬
秦州

武德復置秦州州屬隴右道開元中徙天寶初復還治寶應初陷吐蕃廢

初析上郡
置天水郡

唐長興
移清水縣
求治

天水縣

成紀縣
移置州治

秦州天水
郡雄武軍
節度
復楊州治
為秦鳳路
治

天水縣

成紀縣

秦州
大定二十
七年屬鳳
翔路元光
二年升鎮
遠軍節度

分置南北
二天水縣

成紀縣

秦州
屬鞏昌路
秦州
屬鞏昌府

洪武初
省入州

<p>屬天水郡 後漢屬漢陽郡 綿諸道 屬天水郡 後漢省</p>	<p>秦安縣 成紀縣 屬天水郡 後漢屬漢陽郡</p>
	<p>成紀縣 新陽縣 屬天水郡 後漢屬漢陽郡</p>
	<p>成紀縣 新陽縣 屬天水郡 後漢屬漢陽郡</p>
<p>綿諸縣 復置屬秦陽郡西魏省 漢陽郡 太平真君七年置治 七年置治 黃氏縣周廢</p>	<p>成紀縣 魏省周復置屬秦陽郡 安陽郡 魏置西魏初州尋又改</p>
	<p>成紀縣 屬天水郡 開元三年 即廢十八 年改州曰 紀州大業 初州廢</p>
<p>魏廢</p>	<p>開元中徙廢</p>
<p>復置屬秦州</p>	
<p>紹興初入 金嘉定初 水軍復置 入宋</p>	
<p>屬成州復</p>	<p>秦安縣 正隆中置 屬秦州</p>
	<p>秦安縣</p>
	<p>秦安縣</p>

<p>清水縣</p> <p>屬天水郡</p> <p>後漢廢</p> <p>隴縣</p> <p>屬天水郡</p> <p>後漢屬漢陽郡</p>	<p>顯親侯國</p> <p>漢成紀縣</p> <p>北後漢置</p> <p>侯國屬漢陽郡</p> <p>街泉縣</p> <p>屬天水郡</p> <p>後漢省隴縣地</p>
<p>隴縣</p>	<p>廣魏郡</p> <p>縣置</p> <p>臨渭縣</p> <p>郡治</p>
<p>清水縣</p> <p>後置屬秦陽郡廢</p>	<p>畧陽郡</p> <p>泰始中改</p> <p>顯新縣</p> <p>屬天水郡</p>
<p>清水縣</p> <p>西魏置</p> <p>清水郡</p>	<p>廢</p> <p>廢</p> <p>顯新縣</p> <p>太平真君八年省後</p> <p>復屬天水郡周廢</p>
<p>清水縣</p> <p>開皇初廢</p> <p>郡屬天水郡</p>	
<p>清水縣</p> <p>武德四年置新州破</p> <p>廢屬秦州</p> <p>大曆後入吐蕃大中二年收復</p> <p>屬秦州</p>	<p>成紀縣</p> <p>開元二十二年移治</p> <p>為州治</p>
<p>清水縣</p> <p>唐徙後復</p>	<p>成紀縣</p> <p>後徙廢</p>
<p>清水縣</p> <p>屬秦州</p>	
<p>清水縣</p> <p>治坊縣</p> <p>金置屬秦州貞祐四年屬西寧州</p>	
<p>清水縣</p> <p>至元七年省</p>	
<p>清水縣</p>	

禮縣

嘉陵道地
後漢上祿
縣地

魏置伯陽縣

秦嶺縣

貞觀十七
省

開皇中更
名屬天水

郡

廢

漢陽郡

太平真君
五年置西

魏政長道
郡同又改

天水郡

蘭倉縣

長道縣

長道縣

長道縣

長道縣

太平真君
三年置郡
治西魏改
漢陽縣

開皇十八
年更名屬
漢陽郡

屬咸通十
三年復置
屬秦州

屬咸通十
三年復置
屬秦州

屬咸通十
三年復置
屬秦州

潭水縣

潭水縣

潭水縣

潭水縣

潭水縣

西魏置黃
置潭水郡
周後廢

屬漢陽郡

初屬咸通
後屬宕州
屬德中省

初屬咸通
後屬宕州
屬德中省

初屬咸通
後屬宕州
屬德中省

縣 徽	縣 當 兩
河池縣 屬武柳郡	故道縣地
河池縣	
河池縣 永嘉後屬 武先	故地
廣化縣 魏改置 屬化郡	兩當縣 魏置 屬兩當郡
河池縣 開皇初廢 屬仁壽郡	兩當縣 初廢 屬河池郡
河池縣 屬鳳州	兩當縣 屬鳳州
河池縣	兩當縣
河池縣 開寶五年 移置仍屬 鳳州	兩當縣 至道初移 治仍屬鳳 州
徽州 元初置 鳳州治 池縣又分 置永寧縣 至元初改 徽州七年 二縣俱省 入州屬 昌路	兩當縣 屬徽州
徽州 洪武十年 改為縣 復升為州 屬鞏昌府	兩當縣 洪武十年 省入徽縣 後復置仍 屬徽州